



YIHOOWA KAWOTETTA ERISIIYA WOCHIYO KEELAA



**XANNA'IYO HUUPHE
YOHOTA**

TAMME 1-7

**Cimato, Harata
Loohissiyogan
Ufaytteetii?**

SINTTAA 3 • MAZAMURE: 42, 53

TAMME 8-14

**Harata
Danddayissanawu
Cimati Waati
Loohissiyoonaa?**

SINTTAA 9 • MAZAMURE: 45, 42

TAMME 15-21

**Yihoowaara Ne
Dabbotaa Ay Keena
Minttadii?**


SINTTAA 19 • MAZAMURE: 51, 11

TAMME 22-28

**Ubba Wode Yihoowan
Ammanetta!**

SINTTAA 24 • MAZAMURE: 27, 49





HONG KONG

KOYRO SINTTAA: Issi cimay gubaa'iyawu oottiya ishay Kaaluuna giyoosan Hayfong giyo ogiyan asay dariyo sohuwan markkattanaadan loohissishin

ASAA QOODAA


7,234,800

AASSIYAAGEETA

5,747

XINAATETA

6,382



180,000+

Xuufiyaa wottiyo gaariyaa, xarapheezaanne hegaa mala harabaa Hong Kong macara biiruwwa baggaara demmin kumetta sa'aa gakkiiis

XANNA'IYO HUUPHE YOHOTA

- **Cimatao, Harata Loohissiyooogan Ufaytteetii?**
- **Harata Danddayissanawu Cimati Waati Loohissiyoonaa?**

Cimati loohibeenna ishannta loohissiyoogee ay keena koshshiyaabee? Harata loohissiyoo muruta ogeti awugeetee? Cimatinne loohiyaageeti beni wode de'ida Sameela, Eelaasanne Elssaa'a leemisuwaappe ay tamaarana danddayiyoona? Ha oyshatu zaaruwaa ha naa"u huuphe yohotun be'ana.

- **Yihoowaara Ne Dabbotaa Ay Keena Minttadii?**
- **Ubba Wode Yihoowan Ammanetta!**

Yihoowaara dabbotaa minttiyoogee nuuni metuwan genccanaadan maaddees. Ha naa"u huuphe yohoti nuuni Yihoowaara haasayiyooagaaninne ubba wode an ammanettiyoogan aara dabbotaa waatidi minttana danddayiyaakko bessoosona.

QASSI HA MAXEETIYAN

14 'Injjetiyoo Wodekka Injjetenna Wodekka'
Demmido Anjjuwaa

29 Bohiyoogee Siiquwan Giigidaba Gidiyoo Aybissee?

32 Qanxxido Mittay Aacana Danddayii?



Cimato, Harata Loohissiyooگان Ufaytteetii?

“Ubbabau wodee de7ees.”

—ERA. 3:1.

WORADAA xomoosiyaagee cimatuura shiiqiyo shiiquwaa wursana hanees. I minni oottiya cimata xeellidi etawu qarettiis; etappe issoti issoti a aawaa keena cima. Gidikkokka, i bana qofissido gishshawu, “Ishatoo, harati gubaa’iyan aawatettaa ekkannaan loohissanawu ay oottidetii?” yaagidi eta oychiis. Woradaa xomoosiya ishay wurssettan xomoosido wode eti harata loohissanaadan minttettidoogaa loytti hassayoosona. Wurssettan cimatupe issoy, “Nuuni oottidobay darenna” yaagiis. Hara cimatikka he qofaa maayidosona.

² Neeni gubaa’e cima gidikko, heгаа malabay hanido shiiquwaa shiiqa eray? SHiiqennan aggakka. Daro gubaa’iyan wudiyaa maaddana mala yelaga ishatakka gasta ishatakka kaseegaappe aaruwan loohissana koshshiyooگان kumetta sa’an woradaa xomoosiyaageeti akeekidosona. Hegaadan oottiyooگان wayssiyaa-ba. SHin aybissi?

1, 2. Woradaa xomoosiyaageeti daro gubaa’iyan akeekidobay aybee?

WOYGADA ZAARUUTEE?

Ishantta loohissiyooگان ay keena xoqqu oottidi xeellana bessii, qassi aybissi?

Loohissiya cimati gubaa’iyya waati maaddiyoonaa?

Harata loohissiyooگان, cimati Sameela leemisuwaa waatidi kaallana danddayiyoona?

³ Neeni henttanča gidiyo gishshawu, loohissiyooġee keehippe koshshiyooġaa akeekiyooġee qoncce.* Gubaa'eti ayyaanaaban mino gididi de'anawunne ooratta gubaa'eta essanawu hara ishati koshshiyooġaa eraasa. (**Isiyaasa 60:22 nabbaba.**) Xoossaa Qaalay 'harata tamarissanaadan' nena zoriyooġaakka eraasa. (**2 Ximootiyoosa 2:2 nabbaba.**) Gidikkokka, doomettan odettida cimatudan hegaadan oottanawu neeni waayettana danddayaasa. So asawu koshshiyaabaa kunttiyooġee, oosoy, gubaa'ayan de'iya aawatettaynne hara keehi koshshiyaabay ne wodiyaawurssiyo gishshawu, gubaa'ayan de'iya harata loohissanawu wodee baynnaba malatana danddayees. Hegaa gishshawu, harata loohissiyooġee ay keena koshshiyaabakko ane be'oos.

LOOHISSIYOOGAA KASEYANA BESSEES

⁴ Harata loohissanawu wodiyaawurssiyo gishshawu, gubaa'ayan de'iya aawatettaynne hara keehi koshshiyaabay ne wodiyaawurssiyo gishshawu, gubaa'ayan de'iya harata loohissanawu wodee baynnaba malatana danddayees. Hegaa gishshawu, harata loohissiyooġee ay keena koshshiyaabakko ane be'oos.

* Ha huuphe yohuwaaninne kaalliya huuphe yohuwan de'iya qofaa gubaa'ayan de'iya ubbay qoppana koshshikkonne, he qofay xaafettidoy cimatussa. Ayssi giikko, xammaqettida attumaageeti ubbay hashetidi oottanawu loohana koshshiyooġaa akeekanaadan he qofay minttettes. Hegaadan oottiyowode, ubba asay go'ettana.

3. (a) Loohissiyooġee keehi koshshiyooġaa Geeshsha Maxaafay waati qonccissii, qassi heġee nuna ubbaa qofissiyaaba gidana koshshiyoy aybissee? (Tohossa qofaa xeella.) (b) Harata loohissiyooġee issi issi cimata wayssana danddayiyoy aybissee?

4. Loohissiyooġaa issi issitoo kaseyennaadan oottana danddayiyaabay aybee?

sugiyooġee gubaa'iyaa ayyaanaaban qohana danddayees.

⁵ Ha leemisuwaa qoppa: Kaamiyaa laaggiya uri ba kaameenne a motoree maara oottanaadan ubbatoozaytiyaa laammana koshshiyooġaa erana danddayees. SHin, heġee nadaajiyaa kunttiyooġaa keena eesoyennaba giidi i qoppennan waayi agġana. I nadaajiyaa kunttennaba gidikko, a kaamee sohuwaara eqqi bayana. I, 'Zaytiyaa laamanawu tawu wodee xayikkokka, motoree guutta wodiyaawu maara oottana' giidi qoppana danddayees. SHin heġee ay kaalettii? Kaamiyaa laaggiya bitanee motoree maara oottanaadan giigissanawu hagaraa sugikko, he kaamee issi galla muleera eqqi bayana. Yaanikko, i he kaamee zaarettidi oottanaadan giigissanawu daro wodiyaanne daro miishshaa wurssees. Hegaappe ay taamariyoo?

⁶ Cimati eesuwana polettana koshshiyadarobaa oottoosona; hinkkoode, gubaa'ee keehi qohettees. Hegaa gishshawu, leemisuwan odettida, kaamiyaa laaggiya bitanee nadaajiyaa ubbatoozaytiyaa kunttiyooġaadan, cimati "keehi koshshiyaabaa shaakki [erana]" bessees. (Pili. 1:10, NW) SHin issi issi cimatussi eesoyiya daro oosoy de'iyogishshawu, motoriyaa giigissiyooġaa mala gidida harata loohissiyooġaa eti shenehogaana danddayoosona. SHin cimati loohissanawu koshshishin ubbatoozaytiyaa hagaraa sugikko, gubaa'ayan koshshiyabbaabaa polanawu danddayiya ishantti guutta wodiyaappe guyyayan de'okkona.

⁷ Gidoppe attin, loohissiyooġaappe ka-

5, 6. Leemisuwan odettida kaamiyaa laaggiya bitaniyaappenne motoriyaa giigissiyooġaa i xeelliyogiyaaappe nuuni ay tamarana danddayiyoo, qassi heġee gubaa'ayan harata loohissiyooġaara waani gayttana danddayii?

7. Loohissanawu wodiyaawurssiyo gishshawu, gubaa'ayan de'iya aawatettaynne hara keehi koshshiyaabay ne wodiyaawurssiyo gishshawu, gubaa'ayan de'iya harata loohissanawu wodee baynnaba malatana danddayees. Hegaa gishshawu, harata loohissiyooġee ay keena koshshiyaabakko ane be'oos.

seyana bessiyaabay de'ees giidi qoppennaadan nuuni naagettana koshshees. Sinttanaabaa qoppiyaanne loohibeennaageeta loohissanawu bantta wodiya bazziya cimati lo'o ashkharata; qassi eti kumetta gubaa'iyaa maaddoosona. (1 **PHexiroosa 4: 10 nabbaba.**) Gubaa'e waati go'ettii?

LOOHISSIYOOGEE LO'OPA

⁸ Keehi erancha cimatikka ashkke gididi, eti cimiyo wode gubaa'iyawu darobaa oottana danddayennaagaa akeekana koshshees. (Mik. 6:8) Qassi gubaa'iyawu eti ootiyooabaa maara polennaadan diggiyaabay 'qoppennan gayttiyaabaanne wodee ootiyooabaa' gaasuwan merettana danddayiyoogaa eti akeekana koshshees. (Era. 9: 11, 12, *NW*; Yaaq. 4:13, 14) Sinttanaabaa qoppiya cimati Yihoowa dorssati ayyaanaaban payya gidanaadan wozanaappe qoppiyo gishshawu, ammanettidi haggazido layttan eridobaa yelaga ishanntussi bessiya wodiyan yootoosona.—**Mazamure 71:17, 18 nabbaba.**

⁹ Cimati loohissiyoogee wudiya maaddiyo hara gaasoy aybee? Hegee gubaa'ee minnanaadan maaddes. Hegaadan giyoy aybissee? Cimati hara ishannta loohissanawu baaxetiyoogee ha wode xalla gidennan, iita waayiyo wodekka gubaa'ee minnidi is-sippetettan de'anaadan maaddiya ishannti giigi uttanaadan oottees. (Hiz. 38:10-12; Mik. 5:5, 6) Yaatiyo gishshawu, al'o cimato, *ha wodiyan* harata ubbatoo loohissanadan inttena minttettoos.

8. (a) Harata loohissanadaan cimata maaddiya eeshshayenne qofay aybee? (b) Aassiyaageeti keehi koshshiyoo biitti biidi haggaziyaa cimati eesuwan oottana koshshiyoo bay aybee? ("Eesuwan Ootiyooabaa" giya saaxiniyaa xeella.)

9. Loohissiyoogee keehi koshshiyoo gaa bessiya sinttappe haniyaabay aybee?

¹⁰ Intte gubaa'iyaa oosuwa oottanawu daro wodiya keehi baaxetiyaageeta gidiyoo gaa nuuni eroos. Hega gishshawu, intte he wodiyaappe guutta wodiya bazzidi harata loohissiyoo gaa koshshennan aggen-na. (Era. 3:1) Yaatiyoogee keehi lo'oba.

HANOTAA GIIGISSIYOOGAA

¹¹ Harati ayyaanaaban diccanaadan maaddiya amarida cimati eta waati loohissiyaakko mata wode oyshettidosona.* Ha ishanntu hanotay issi mala gidana xayikkonne, eti zorido zoree issi mala. Hegee ay bessii? PHawuloosa wodiyaagaadan, Geeshsha Maxaafaa go'ettidi hegaadan loohissiyoo gaa "*ubba sohuwan de'iyaa woosa keetta* [*"Gubaa'ee," NW*] *ubban*" tamaaretussi haniyaaba. (1 Qor. 4:17) Hega gishshawu, ha huuphe yohuwaanne kaalliya huuphe yohuwan, ha cimati yootidobaappe amarida qofaa nuuni be'ana. (Lee. 15:22) Qoncce gidana mala, ha huuphe yohotun loohissiyaageeti "*asttamaareta*," qassi loohiyaageeti "*tamaareta*" geettoosona.

¹² Asttamaaree tamarissanawu injjetiyo hanotaa giigissana koshshees. Atakilttiyaa ootiyaagee zerettaa zeranaappe kase gadiyaa goyidi liiqissana koshshiyoo gaa, asttamaaree tamariya oorattabaa tamarissanappe kase, a

* He cimati Amarkkan, Awustiraaliyan, Bangilaadeshen, Beljiyeenen, Biraazilen, French Giyanan, Jaappaanen, Kooriyan, Mekisiikon, Namibiyan, Nayjeeriyawu, Paransaayen, Raashiyan, Riyuniyeninne Tohossa Afirkkan de'oosona.

10. Cimati harata loohissiyoo wodiya demmanawu ay oottana koshshii?

11. (a) Dumma dumma biittan de'iyaa cimati loohissiyoo gaa xeelliyaagan yootidobay maalaalissiyaabaa gididoy aybissee? (b) Leemiso 15:22 maaran, hara cimati zoriyoobaa qoppiyo gaa go'iyoy aybissee?

12. Asttamaaree ay giigissana koshshii, qassi aybissii?

wozanaa giigissana woykko a minttetta-
na koshshees. Yaatin, asttamaareti harata
loohissanawu injjetiya hanotaa waati gi-
gissiyoonaa? Beni de'ida issi hananabaa
yootiyaagee oottidobaa kaalliyooaana. I
oottidobay aybee?

¹³ Yihooway hananabaa yootiya cimida
Sameelawu 3,000ppe dariya layttappe kase
issi gallassi, "Wontto hanoode Biniyaama
biittaappe issi bitaniyaa taani neekko yed-
dana; i ta asaa Israa'eele kaalettana mala a
tiya" yaagiis. (1 Sam. 9:15, 16) Sameeli Is-
raa'eele asaa kaalettiyoogee attin, Yihooway
a sohuwan hara ura i tiyanaadan oottanaa-
gaa Sameeli erees. Sameeli, "Taani he bita-
niyaa a oosuwawu waata giigissana dan-
ddayyaanaa?" giidi qoppennan aggenna.
Waati oottanaakko eridi halchidobaa po-
liis.

¹⁴ Kaalliya gallassi, Sameeli Saa'oola be-
ido wode, Yihooway ayyo, "Be7a! Taani
neeyyo yootido bitaneee haggaa" yaagiis. He
wode Sameeli halchidobaa oottiis. I aaho
wuygiyan Saa'ooli banaara qumaa maanaa-
dan shoobbiis. Sameeli Saa'oolanne a ash-
kkaraa boncho sohuwan utissidi modho
ashuwaa immidi, hagaadan giis: 'Ma; ayssi
giikko, imattata shoobboosappe doomin,
eti haggaa neeyyo ashshidosona.' Hegaap-
pe simmin, Saa'ooli Sameelaara haasayiid-
di a soo wodhiis. Lo'o qumaa miidi he-
mettiyo wode merettida ufayssiya hanotaa
Sameeli loytti go'ettanawu koyiis. Heggaa
gishshawu, i ba keettaa bollan dembbayi-
di oottidosaa Saa'ooli kiyanaadan shoob-
biis. Omarssa carckuwan "keettaa bollan
dembbayidi oottidosan" Sameeli xiskkana
gakkanaassi Saa'oolaara haasayiiis. Kaalliya

13-15. (a) Hananabaa yootiya Sameelawu immetti-
da oosoy aybee? (b) Sameeli ba oosuwaa waati
polidee? (Ha huuphe yohuwaa doomettan de'ia
misiliyaa xeella.) (c) Sameelabaa yootiya ha Geesh-
sha Maxaafaa taarikee ha wodiyan cimatussi keehi
koshshiyoy aybissee?

gallassan, Sameeli Saa'oola tiyiis; tiyidi a
yeridi, hara kaaletuwaa ayyo immiis. He-
gaappe simmin, i sinttappe hananabawu
giigissidi Saa'oola yeddiis.—1 Sam. 9:17-27;
10:1.

¹⁵ Deriyaa kaalettiyaagaa gidanaadan
issi ura tiyiyooeenne issi ishay cima gida-
naadan woy gubaa'iyawu oottiyaagaa gida-
naadan loohissiyoogee issi mala gidenna-
gee qoncce. SHin, Sameeli oottidobaappe
ha wodiyan de'ia cimati maaddiya darobaa
tamaarana danddayoosona. Ane hegeetup-
pe naa'ata be'oos.

BANTTA DOSAN TAMAARISSIIYA TUMU LAGGETA

¹⁶ Eeno giiteppe attin, siyennan ixoppite.
Sameeli Israa'eelati banttawu kawuwaa ka-
woyanaadan koyidoogaa siyido wode hi-
dootaa qanxxiis; qassi ba asay bana ix-
xidabadan qoppiis. (1 Sam. 8:4-8) Asay
oychidobaa Sameeli oottennan ixxin, asay
yootiyooobaa siyana mala Yihooway ayyo
heeztutoo yootiis. (1 Sam. 8:7, 9, 22) SHin,
Sameeli ba sohuwan hara uri sunttettiyo
gishshawu yiillotibeenna. Saa'oola tiyanaa-
dan Yihooway ayyo yootido wode, hanana-
baa yootiyaagee azazettiis; qassi heggaa i sa-
xaa gattanawu gidennan, siiquwan eeno
giidi oottiis.

¹⁷ Sameelaagaadan, ha wodiyan de'ia
kayma cimati eti loohissiyoogetussi he-
gaadan qarettoosona. (1 PHe. 5:2) He cima-
ti gubaa'iyaa eti oottiyo amaridabaa ta-
maaretuyyo immoos gi yayyidi harata
loohissiyooagaa aggokkona. Keha asttamaa-
reti loohanawu koyiia tamaareta gubaa'-

16. (a) Israa'eelati kawuwaa kawoyanaadan Sa-
meela oychin ayyo aybi siyettidee? (b) Sameeli Saa-
oola tiyanaadan immettida oosuwaa waati ootti-
dee?

17. Ha wodiyan de'ia cimati qarettiyoogan Samee-
la leemisuwaa waatidi kaalliyoonaa, qassi hegan eti
aybissi ufayttiyoona?

Harata loohissiyogee
etaara dabbotiyoogan
doommees
(Mentto 18, 19 xeella)



iyawu al'o imota gididanne banttanaara 'issippe oottiya' asatudan xeelloosonappe attin, banttanaara keesettiyaabadan xeel-lokkona. (2 Qor. 1:24; Ibr. 13:16) Tamaareti banttassi de'iya eraa go'ettidi gubaa'iyaa waati maaddiyaakko be'iyogee yaaretenna he asttamaareta keehi ufayssiyaabaa!—Oos. 20:35.

¹⁸ *Asttamaare xalla gidennan, lagge gida.* Hananabaa yootiya Sameeli Saa'oolaara gayttido gallassi tigiyoobaara zaytiyaa ekki-di dirbban Saa'oola huuphiyan tiyidi, mu-leera giigettibeenna ooratta kawuwaa coo yeddana danddayees. SHin Sameeli wodi-yaa bazzidi Saa'oola wozanaa kehatettan loddan loddan giigissiis. Hananabaa yooti-yaagee, eti mal'o qumaa miidi, hemettidi, adussa wodiyawu issippe haasayidi, shemppi simmin Saa'oola tiyanawu he wodee in-je giidi qoppiis.

¹⁹ Hegaadan, ha wodiyan asttamaaree loddan ufayssiya hanotan tamaariyaara dabbotaa medhi simmidi loohissiyogaa doommana koshshees. Issi cimay hegaadan mino dabbotaa medhanawu oottiyoo-

18, 19. Asttamaareti tamaaretu wozanaa waati giigissanawu danddayiyoona, qassi hegaadan ootti-yogee keehippe koshshiyoy aybissee?

bay biittaappe biittan, heera hanotaadaa-ninne wogaadan dummatana danddayees. SHin, neeni awan de'inkka, qassi oosoy dariyo cima gidinkka, wodiya bazzada tamaariya uraara wodiya attikko, hegee “Neeni taassi koshsshaassa” giyoogaa mala. **(Roome 12:10 nabbaba.)** Aynne haasayen-nan hegaadan oottiyoobaa tamaaranawu koyiya, ubbasan de'iyageeti loytti akeekoosonanne wozanappe nashshoosona.

²⁰ Cimato, gooba asttamaaree hara uraa tamarissanawu dosiyogaa xalla gidennan, i tamarissiyo *uraakka* dosana bes-siyogaa hassayite. (Yoh. 5:20ra gattada xeella.) Asttamaaree ha keehi koshshiya eeshshaa bessiyogaa tamaaree eesuwan akeekes; qassi tamarissiyoobaakka eesuwan ekkanaadan hegee maaddees. Hegaa gishshawu, al'o cimato, intte loohissiyowode, asttamaare xalla gidennan, lagge gidite.—Lee. 17:17; Yoh. 15:15.

²¹ Tamaariya wozanaa giigissi simmidi, cimay tamarissana koshshiyaabaa tamarissanawu koyees. Cimay ayba hiillaa go'et-tana danddayii? Hegee kaalliya huuphe yohuwan qonccees.

20, 21. (a) Gooba asttamaaree aybin erettii? (b) Kaalliya huuphe yohuwan aybi qonccanee?

Eesuwan Oottiyoobaa




AASSIYAAGEETI keehi koshshiyoo issi issi biittatun kare biittaappe biida ishantinne michontti daro gubaa'eta keehi maaddoosona. Bantta go'aa aggibayida he Yihoowa Markkati ayyaanaaban cakkiiyo oosuwan darobaa oottoosona. SHin Kawotettaabaa minnidi sabbakiyaageeti he biittaappe aggidi biyaakko aybi hananee? Daro gubaa'etun, gubaa'iyaa oosuwaa ubbaa oottanawu danddayiya ishata guutta. Yaatiyo gishshawu, aassiyaageeti keehi koshshiyooosan haggaa'ziya cimati yan de'iya ishantti wudiyaa heemmiyaageeta gidanaadan maaddiyoogee eesuwan oottana koshshiyaaba.

Harata Waati Loohissanee?

HARATA loohissiyooagan gooba cimati hagaadan giidosona:

1. Qaalanka oosuwan ka lo'o leemiso gida.
2. Geeshsha Maxaafaa kumettaa issi layttan nabbabidi ayyaanaaban minnanaadan tamaariyaa minttetta.
3. Issippe haggaa'zite. (Koyro sinttan de'iya misiliyaa xeella.)
4. Haggaa'zuwawu shiiqiyo shiiquwaa i loytti kaalettanaadan tamarissa.
5. Dere haasayaa neeni waata haasayiyaakko akeekanawu, i haasayaa xuufiyaa oyqqidi kaallanaadan ootta. ►
6. Intte so asaa goynuwan inttenaara shiiqanaadan anne a soo asaa issi issitoo shoobba.
7. Darin sabbakibeenna heeran, inne a so asay nenaaranne ne so asaara haggaa'zanaadan oycha.*

* Afirkkan, Amarkkan, Awustiraaliyan, Awurooppaninne Isiyaa de'iya cimati ha qofaa go'ettidi lo'o ayfiyaa demmidosona.





Harata Danddayissanawu Cimati Waati Loohissiyoona?

“Taappe neeni siyido yohota . . . , ammanettida asatuyyo hadaraa imma.” –2 XIM. 2:2.

LOOHIYOOGEE oosuwan muruta gidanawu maaddiyoojaa Xoossaa ashkkarati awudekka eroosona. Looxee omoodettidaagaa wotti ekkkanawu Abraami ‘olaa *eriya* ba asaa denttiis’; qassi eti wotti ekkidosona. (Doo. 14:14-16) Kawuwaa Daawita wodiyan, Xoossaa keettan yexxiyaageeti Yihoowayyo yexxanawu “*loohidaageeta*” gidiyo gishshawu, Xoossay sabettanaadan oottidosona. (1 Odi. 25:7) Ha wodiyan, nuuni Seexaanaaraanne a alamiyaara ayyaanaaban olettiiddi de’oos. (Efi. 6:11-13) Nuuni Yihoowa sabisanawukka keehi baaxetoos. (Ibr. 13:15, 16) Hegaa gishshawu, beni wode Xoossawu haggazidaageetuugaadan, nuuni oosuwan murutanawu *loohana* koshshees. Gubaa’iyan harata loohissiyo oosuwaa Yihooway cimatussi immiis. (2 Xim. 2:2) Ishati wudiyaa heemmana danddayiyaageeta gidanaadan loohissanawu kayma cimati ayba hiillaa go’ettiyoona?

TAMAAREE AYYAANAABAN MINNANAADAN MAADDA

² Neeni cima gidada oottiyoobay ataakilttiyaa oottiya ura oosuwan leemisettana danddayees. Ataakilttiyaa oottiyaagee zerettaa

1. (a) Loohissiyoogaa xeelliyaaagan Xoossaa ashkkarati awudekka eriyoo-bay aybee, qassi hegee ha wodiyawukka haniyoy aybiinee? (b) Ha huuphe yohuwan nuuni be’anabay aybee?

2. Tamaariyaa ooratta hiillaa tamarissanaappe kase, issi cimay ay oottana danddayii, qassi aybissi?

WOYGADA ZAARUUTEE?

Issi cimay issi ishah ayyaanaaban ayba ogetun minttettana danddayii?

Gubaa’iyan oottanawu koyennaba milatiya ishah ba qofaa laammanaadan denttettana danddayiya xiqiseti awugeetee?

Loohiyaageeti Elssaa’a leemisuwaa waati kaallana danddayiyoona?

zeranaappe kase biittaa araddissiyaabaa gadiyan yeggana koshshiyooгаа akeekana danddayees. Hegaadan, kayma cimay tamaariyaa ooratta hiillaa tamarissanaappe kase, tamaaree tamaariyoobaa oosuwan peeshshanaadan maaddanawu Geeshsha Maxaafaa maaraappe amaridaagaa yootanawu koyana danddayees.—1 Xim. 4:6.

³ Tamaariyaa qofaa tumay ay keena laamiyaakko akeekana koshshees. Hega akeekanawu, i ba huuphiyaa Yihoowawu gepidoogee ba de'uwani kuuyidoban waati maaddidaakko oychana danddayaasa. He oyshay nuuni Yihoowayyo kumetta wozanappe waatidi haggazana danddayiako intte haasayanaadan maaddana danddayees. (**Marqqoosa 12:29, 30 nabbaba.**) He ishaara issippe woossanne loohanawu awu koshshiya geeshsha ayyaanaa Yihooway immanaadan oychana danddayaasa. Neeni ayyo woossiyooгаа ishaya siyyoogee, i loyttidi oottanaadan denttettana danddayees!

⁴ Loohissiyooгаа doommiyo wode, tamaaree eeno giyoogee, ammanettiyoo-geenne ba huuphiyaa kawushshiyoogee koshshiyooгаа akeekanaadan maaddana danddayiia amarida Geeshsha Maxaafaa qofaa tobbite. (1 Kaw. 19:19-21; Nah. 7:2; 13:13; Oos. 18:24-26) Biittawu araddissiyaa-bay koshshiyooгааadan he eeshshati tamaariyawu keehi koshshoosona. He eeshshati i ayyaanaaban eesuwan diccanaadan maaddoosona. Paransaayen de'iyaa ZHan Klod giyo issi cimay hagaadan giis: "Taani loohissiyoo wode halchiyo waannabay tamaaree

3. (a) Yesuusi Marqqoosa 12:29, 30n yootidobay tamaariyaara haasayiyo wode waati go'ana danddayii? (b) Cimay woossiyo woosay tamaariyaa waati maaddana danddayii?

4. (a) Tamaaree ayyaanaaban diccanaadan maaddana danddayiia Geeshsha Maxaafaa qofaa yoota. (b) Cimati harata loohissiyoo wode ay halchana besii?

ubbatoo ayyaanaabaa qoppaanaan maaddiyooгаа. Tamaaree Xoossaa Qaalan de'iyaa 'maalaalissiya tumatettaa' akeekana mala 'aayfee pogettanaadan' maaddanawu, nuuni xiqisiyaa issippe nabbabana danddayiyo wodiya koyays." (Maz. 119:18) Tamaariyaa minttettana danddayiyo hara ogeti awugeete?

HALCHANABAANNE HEGAWU GAASUWAA YOOTA

⁵ Tamaariya ura, 'Ayyaanaaban neeni halchidobay aybee?' gaada oycha. I halchanawu qoppibeennaba gidikko, polana danddayiyoobaa halchanaadan maadda. Neeni issi wode ayyaanaaban halchidobaa yoota, qassi hegea polido wode ay keena ufayttidaakko wozanappe oda. Hegaadan oottiyoogee wayssennaba gidikkokka, keehi maaddiyaaba. Afirkkaa biittan cimanne aqinye gidida Vikteri hagaadan giis: "Taani yelagattetan de'iyoo wode, issi cimay taani halchidobaa xeelliyaaagan loytti qoppidi amaridabaa tana oychiis. He oyshati ta haggazuwaabaa taani loytti qoppiyoogaa doommanaadan maaddidosona." Ayyaanaaban kaymida cimati ishantti banta layttawu haniya oosuwaanaatettaappe doommidi gubaa'iyani oottanaadan immiyooگان eta loohissiyoogee keehi koshshiyooгаа yootoosona. Hegaadan naatettan loohissiyooгаа doommiyoogee naati panttatettaa layttan eta qofay shaahetanaadan oottiya darobay de'ishinkka, ubbatoo ayyaanaabaa halchanaadan maaddes.—**Mazamure 71:5, 17 nabbaba.***

* Issi yelagay ayyaanaaban kaymidaagaa, ashkenne Geeshsha Maxaafan koyettiya harabaa oottiyaaгаа gidikko, awu layttay 20 gidana xayikkonne gubaa'iyawu oottiyaaгаа gididi sunttettanaadan cimati oychana danddayoosona.—1 Xim. 3:8-10, 12; Isiine 1, 1989, *Wochiyo Keelaa*, (Inggilizettuwa) sinttaa 29 xeella.

5. (a) Ayyaanaabaa halchiyoobaa xeelliyaaagan tamaariyaageetuura haasayiyoogee ay keena koshshiyaabee? (b) Cimati guutta naatakka loohissana koshshiyoy aybissee? (Tohossa qofaa xeella.)

Issi ishay issibaa oottana
koshshiyoy aybissakko
qonccissa; qassi i heгаа
oottanawu baaxetido
gishshawu galata
(Mentto 5-8 xeella)



⁶ Tamaariya uri haggaaazanawu koyanaadan *oottanabaa* xallaa ayyo yootiyoogee gidenna; hegaadan oottiyoogee keehi koshshiyoy *aybissakkokka* yootana koshshees. Hegee koshshiyoy gaasuwaawu yootiyooogan, Gita Asttamaariyaa Yesuusa leemisuwaawu kaallaasa. Leemisuwawu, Yesuusi i kiittidoogeeti asaa erissiyoy ashkkara oottanaadan yootanaappe kase, eti *ayssi* azazettana koshshiyoy akko odiis. I, “Maata ubbai saluwaaninne sa7an taayyo imettiis” yaagiis. Gujjidikka, “Hegaa gishshau, intte biidi, asa ubbaa tana kaalliyaa geeta oottite” yaagiis. (Maa. 28:18, 19) Yesuusi loohissido ogiyaa waata kaallana danddayay?

⁷ Tamaaree oottanabay keehi koshshiyoy aybissakko Geeshsha Maxaafay yootiyoo-baa qonccissa. Hegaadan tamarissiyooogan i Geeshsha Maxaafaa maaraa qoppanaadan maaddaasa. Leemisuwawu, Kawotettaa Addaraashaa geliyoosay geeshshanne hemettiya ura qohennaagaa gidanaadan issi ishay giigissanaadan neeni yootadasa gi-

6. Yesuusi harata loohissanawu go'ettido keehi maaddiya ogee aybee?

7, 8. (a) Yesuusi tamarissido ogiyaa ha wodiyan de'iya cimati waati kaallana danddayoonaa? (b) Tamaariya ura galatiyoogee keehi koshshiyoy aybissese? (c) Harata loohissanaadan cimata maaddana danddayiya qofay aybee? (“Harata Waati Loohissanee?” giya saaxiniyaa xeella.)

di qoppoos. Tiitu 2:10n de'iya qofaa yootada, i Kawotettaa Addaraashaa giigissanawu oottiyoo-bay ‘ashshiyoy Xoossaabaa tamarissiyoo-gaa ubbaan’ waatidi galatissiyaa-ko qonccissana danddayaasa. Tamaariyaa-gee gubaa'iyaa de'iya cima asatubanne i oottiyoo-bay eta maaddiyoy ogiyaa-baa qoppanaadan oycha. Hegaadan tamariyaara haasayiyoo-gee i higgiiyaappe aaruwan asaabaa qoppanaadan maaddese. I oottiyoo-bay gubaa'iyaa de'iya ishanttanne michontta waati maaddiyaa-ko be'iyoo-gee a ufayssese.

⁸ Hega bollikka, tamariyaagee neeni yootidobaa polanawu baaxetiyo gishshawu galata. Hegaadan oottiyoo-gee keehi koshshiyoy aybissese? Haattay ataakilttee dicananaan maaddiyoo-gaadan, galataykka tamarree ayyaanaaban dicananaan maaddese. —Maatiyoosa 3:17ra gatta xeella.

METIYA HARABAA

⁹ Layttay 20 woy 30 heera gidido xammaqettida ishantti gubaa'iyaa maaddanaadan waati denttettanaakko diccida biittan de'iya cimati metootoosona. Issi issi yelaga ishantti gubaa'iyaa aawatettaa ekkanawu koyokkona giidi, 20 biittan de'iya, ayyaanaaban

9. (a) Loohissiyoo-gaa xeelliyaa-gaan diccida biittan de'iya issi issi cimata metiyaabay aybee? (b) Issi issi yelaga ishantti ayyaanaabaa kaseyennay aybissese?

kaymida cimati qoppiyoy aybissakko oychi-
da. Eta zaaruwaappe issoy issi issi yelaga-
ti dicciyo wode ayyaanaabaa halchanaadan
minttettiday baynaagaa bessees. Ubba qas-
si, heгаа malabaa halchanawu *koyida* issi
issi yelagati heгаа aggidi asatettaabawu hal-
chanaadan eta yelidaageeti minttettidosona!
Hegaa mala yelagati ayyaanaabaa mule ka-
seyokkona.—Maa. 10:24.

¹⁰ Issi ishaya gubaa'iyana oottanawu koyen-
naba milatikko, a qofaa laamanawu dandda-
yan keehi maaddana koshshees; gidikkok-
ka, hegee danddayettiyaaba. Ataakilttiya
oottiya uri issi issi ataakilttiya loddan
loddan zuuqqidi sitti oottiyoogaadan, issi
issi ishantti aawatettaa ekanawu bantta
qofaa laamana koshshiyogaa akeekanaa-
dan loddan loddan maaddana danddayaasa.
SHin waatada?

¹¹ He ishaya neessi lagge gidanaadan lod-
dan loddan maadda. I gubaa'iyawu kosh-
shiya ura gidiyogaa akeekanaadan maad-
da. Yaatada, guutaa takkada aara issippe
issi issi Geeshsha Maxaafaa xiqiseta tobbaa,
qassi i bana Yihoowawu geppidoogaa xeel-
liyaagan wotti dentti qoppaanaadan maad-
da. (Era. 5:4; Isi. 6:8; Maa. 6:24, 33; Luq.
9:57-62; 1 Qor. 15:58; 2 Qor. 5:15; 13:5)
'Ne huuphiyaa Yihoowawu geppiyo wode ay
oottanawu ayyo qaalaa geladii?' yaagada a
oychana danddayaasa. Hagaadan gaada a
wozanaa denttettanawu mala: 'Neni xam-
maqettiyo wode Yihoowawu aybi siyettiis
gaada qoppay?' (Lee. 27:11) 'Seexaanawu
shin, aybi siyettidee?' (1 PHe. 5:8) Akee-
kan doorido Geeshsha Maxaafaa xiqiseta
nabbabiyogee, issi ishaya keehi denttettana

10, 11. (a) Gubaa'iyana oottanawu koyennaba mi-
latiya ishaya ba qofaa laammanaadan issi ci-
may waatidi loddan loddan maaddana danddayii?
(b) Issi cimaya heгаа mala ishaara tobbana dandda-
yiyo Geeshsha Maxaafaa qofay aybee, qassi aybis-
si? (Tohossa qofaa xeella.)

danddayiyoogaa akeeka.—**Ibraawe 4:12 nab-
baba.***

TAMAARIYAAGEETOO, AMMANETTIDAAGEETA GIDITE

¹² Gubaa'iyaa maaddana koshshiya yela-
gawu, neeni shin? Neeni ay qoppiyoogee
neessi injjetanaadan maaddii? Hegaa zaara-
nawu, beni wode tamarida issi uraa de'u-
wan hanida amaridabaa ane be'oos.

¹³ Hananabaa yootiya Eelaasi 3,000 gidiya
layttappe kase, yelaga Elssaa'i bana maadda-
naadan oychiis. Elssaa'i sohuwaara eeno gi-
di, bana ziqqi oottiya oosuwaa oottiyoogan
he cima bitaniyawu ammanettidi haggaa-
ziis. (2 Kaw. 3:11) Hegaappe simmin, El-
ssaa'i usuppun laytta gidiyaagaa loohiis; yaa-
tidi Eelaasi Israa'eela biittan oottiyo oosuwaa
wurssana haniyoogaa eriiis. He wode Eelaasi
loytti loohida ba laggee ba geeduwaa kaal-
lennaadan yootiis; shin Elssaa'i heezzutoo Ee-
laasawu, "Taani neeppe shaahettikke" yaa-
giis. I bawu danddayettida keenan bana
loohissiyaagaara takkanawu murttiis. Eela-
si maalaalissiya hanotan appe shaahettiyoog-
aa Yihooway Elssaa'a bessidi, i ammanetti-
do gishshawu anjjiis.—2 Kaw. 2:1-12.

¹⁴ Ha wodiyan Elssaa'a leemisuwaa waata-
da kaallana danddayay? Nena ziqqi oottiya
oosuwaa gujgin, oosoy imettiyo wode sohu-
waara eeno ga. Nena loohissiyaagaa lagge-
dan xeella; qassi i nena maaddiyoogaa neeni
ay keena nashshiyaakko i akeekanaadan
ootta. Neeni ayyo yootiyoobay, "Taani neep-

* Tobbiyo wode, Hosppune 15, 2012 *Wochiyo Keelan*,
sinttaa 14-16, mentto 8-13, qassi "Xoossaa Siiquwan De'a"
giyo maxaafan shemppo 16, mentto 1-3n de'iyaa qofaa go-
ettana danddayaasa.

12, 13. (a) Elssaa'i tamaariyo wode ayba eeshshay
baayyo de'iyogaa bessidee? (b) Elssaa'i ammanetti-
do gishshawu Yihooway waati anjjiidee?

14. (a) Ha wodiyan tamaareti Elssaa'a leemisuwaa
waati kaallana danddayiyoona? (b) Tamaariyaagee
ammanettana koshshiyoy aybisse?

pe shaahettikke” giyoogaa mala gidana danddayees. Ubbaappe aaruwan, neeyyo imettiya ay oosokka ammanettada ootta. Hegee keehi koshshiyoy aybissee? Yihooway neessi gubaa'iyān aawatettaa immanawu koyiyoogaa cimati akeekiyoy neeni ammanettiyaagaa gidiyooḡa besa simmiina gidiyō gishshataassa.—Maz. 101:6; **2 Ximootiyoosa 2:2 nabbaba.**

KAYMA CIMATA BONCHA

¹⁵ Eelaasa kaallida Elssaa'abaa yootiya taa-rikee, ha wodiyan ishannti ayyaanaaban kaymida cimata waati bonchana danddayiiaakokka bessees. Eelaasinne Elssaa'i Yarkkon de'iya hananabaa yootiyaageetuura gaytti simmidi, eti naa'ay Yorddaanoosa SHaafaa biidosona. Yan, “Eelaasi ba kaabbaa ekkidi xaaxidi, an haattaa shociis. SHocin haattai yaanne haanne shaahettiis.” Eti mela biittaara shaafaa pinnidi, ‘haasayiiddi hemettidosona.’ Elssaa'i ubbabaa erays giidi qoppibeennaagee qoncce. Eelaasi appe shaahettana gakkanaashin, Elssaa'i ba asttamaaree yootiyo ubbabaa wozanappe ezggiis. Hegaappe simmin, gotee Eelaasa ekkidi biis. Guyyeppe, Elssaa'i Yorddaanoosa SHaafaa simmidi Eelaasa kaabban haatta shocidi, “GODAI Eelaasa Xoossai awan de7ii?” yaa-giis. He wodekka haattay yaanne haanne shaahettiis.—2 Kaw. 2:8-14.

¹⁶ Elssaa'i koyro oottido maalaalissiyaa-bay Eelaasi wurssettan oottido maalaalissiyaabaara issi mala gidiyooḡaa akeekadii? Hegaappe ay tamaariyoo? Elssaa'i aawatettay *aagaa* gidiyō gishshawu, issi issibaa oottiyo ogiyaa sohuwaara laammanawu qoppibeennaagee qoncce. Elssaa'i Eelaasi oottidoogaadan oottiyoogan, ba asttamaariyaa bonchiyoogaa bessiis; hegee hananabaa yoo-

15, 16. (a) Elssaa'i ba asttamaariyaa bonchiyoogaa ayba ogetun bessidee? (Ha huuphe yohuwaa doomettan de'iya misiliyaa xeella.) (b) Elssaa'a hantaappe hananabaa yootiya a laggeta minttettiday aybee?

tiya Elssaa'a laggeta minttettiis. (2 Kaw. 2:15) SHin Elssaa'i hegaappe simmin hananabaa yootido 60 layttan, Eelaasaagaappe aaruwan maalaalissiya darobaa oottanaadan Yihooway a denttettiis. Neeni loohiyaagaa gidiyooḡaan hegaappe ay tamaray?

¹⁷ Gubaa'iyān neessi aawatettay imetto-saara issi issibaa kaseegaappe mule dummatiya ogiyan oottana koshshees gaada qoppoppa. Laammanawu kuuyiyoy neeni koyiyoogaadaana gidennan, gubaa'iyawu koshshiyaagaadaanne Yihoowa dirijjitee immiyo kaaletuwaadaana. Elssaa'i oottidobay hananabaa yootiya a laggeta minttettiis, qassi i Eelaasaagaadan oottiyoogan ba asttamaariyaa bonchiis; hegaadan neenikka ayyaanaaban kaymida cimati Geeshsha Maxaafay yootiyoogaadan oottiyoobaa kaalliyoogan eta bonchaasa; qassi ne mala Kiristaaneta minttettaasa. (**1 Qorontoosa 4:17 nabbaba.**) SHin, neeni oosuwan loohiyo wode, sinttawu biya Yihoowa dirijjitiyaa-ra gubaa'ee issippe baanaadan maaddanawu laamettiyaabaa oosuwan peeshshanaagee qoncce. Ammanettida tamaariyawu, Yihooway guyyeppe Elssaa'aagaadan ne asttamaariyaaagaappe aaddhiyaabaa oottanaadan nena denttettana danddayees.—Yoh. 14:12.


¹⁸ Ha huuphe yohuwaaninne hagaappe kasetiyaagan de'iya qofay daro cimati harata loohissanawu wodiya bazzanaadan denttettana giidi qoppoos. Aawatettaa ekkana danddayiya ishata ha loohissuwan eeno gi loohidi, Yihoowa dorssaa heemmanawu maaddiyo wode loytti go'ettanaadan amottoos. Hegaadan oottiyoogee, kumetta sa'an de'iya gubaa'eti minnanaadaaninne sinttappayana wayssiya wodiyan nuuni ubbay ammanettidi de'anaadan maaddes.

17. (a) Ha wodiyan tamaareti waatidi Elssaa'aagaadan qoppaana danddayiyoona? (b) Yihooway guyyeppe ammanettida tamaareti baggaara ay oottana danddayii?

18. Gubaa'iyān de'iya ishannta loohissiyooḡee ha wodiyan keehi koshshiyoy aybissee?

'Injjetiyoo Wodekka Injjetenna Wodekka' Demmido Anjuwaa

TROFIM R. NSOMBI YOOTIDOOGAA



TAANI Laappune 1930n yelettiyo wode, nu dabbootupenne laggetuppe daroti Yihoowayyo ammanettidi haggaaaziyaageeta. Taani yelettido heeray ha'i Maalaawe giyo biittan Lilonguwe katamaa matan de'ia Namkumba giyoosaa. Taani 1942n, ta huuphiyaa Xoossaayyo geppada nu biittan erettida shaafatuppe issuwan xammaqettaas. Hegaappe simmin, kiittetida PHawuloosi, "Qaalaa yoota. Wodee injjetin injjetana xayin, minnada yoota" yaagidi Ximootiyoosa zoridoogaadan oottanawu 70 layttawu baaxetaas.—2 Xim. 4:2.

Naatan Noorinne Milten Hensheli 1948n Maalaawe biittaa koyro biidoogee taani kumetta wodiya Yihoowawu oottanawu wozanappe koyanaadan denttettiis. Niwu Yorken, Brukiilinen de'ia Yihoowa Markkatu waanna biiruwaappe kiittetida he ishantti yootido minttettiyaabaa hassayiyo wode keehi ufayttays. Isha Noori, "Ubba Biittaa Merinawu Haariyaagaa" giya huuphe yohuwan haasayido minttettiya haasayaa 6,000 gidiaageeti urqqatiya dembban eqqidi akeekan ezgida.

Taagaadan okka Yihoowa Markka gidida aawayenne aayiyaa dichido Lidaso giyo lo'o micheera gayttido wode, akka taagaadan kumetta wodiya haggaaazanawu halchidoogaa eraas. O 1950n ekkaas; yaatidi 1953 gakkanaassi naa'u naata yelida. Naata

dichiyo aawatettay de'ikkokka, taani kumetta wodiya aqinye gidana danddayiyoogaa qofaa qachida. Naa'u layttappe guyyiyan dumma aqinye gidada haggaazanaadan shoobettaas.

Hegaappe simmin takkennan, woradaa xomoosiyagaa gidada gubaa'eta xomoosiyoo maataa demmaas. Lidasa tana loytta maaddiyo gishshawu, he oosuwa oottaydda nu soo asawu asatettaanne ayyaanaaban koshshiyaabaa kunttaas.* SHin nuuni naa'aykka kumetta wodiya haggaaazanawu wozanappe koyida. Nuuni loytti halchidonne nu naatika maaddido gishshawu, Lidasa 1960n kumetta wodiya haggaaziyoogaa doommaasu.

Dumma dumma gubaa'etun de'ia nu ishatanne michota maaddiyaabaa oottido he lo'o wodee nuna keehi ufayssiis. Tohossa baggan de'ia keehi lo'ia Mulanje deriyaa dugettaappe biidi, nu biittawu arsho bagga gaxaappe gaxaa gakkanawu matida Maalaawe abba xanxxan de'ia woppu giida heeraa gakkanaassi nu oosuwan yuuyida. Nuuni haggaazido woradan gubaa'etunne aassiyaageetu qooday ubatoo gujjiyoogaa be'ida.

"Xala Oosanchata" giyo ufayssiya Awuraaajaa SHiiquwaa 1962n shiiqida. Ayyaanaaban minttetti-

* Son guutta naati de'io ishata woradaa oosuwa oottanaadan eta shoobbiyoogee attiis.

ya heгаа mala shiiqoy Maalaawe biittan de'yaageeti ubbay nuna gakkana wayssiya wodiya wu gii gettanaadan maaddidoogaa hassayays. Hegaappe kaalliyaa layttan Isha Hensheli zaarettidi Maalaawe yin, Blantayre giyo katamaa gaxan 10,000 gidiyaa asay issi dumma shiiquwaa shiiqiis. He minttettiya shiiqoy gakkanawu matida paaciyan nuuni gencnaanadan maaddiis.

METIYA WODEE GAKKIIS

Yihoowa Markkati polotikaara gayttidaban gelenan ixido gishshawu, 1964n eta wolqqaama paacee gakkiiis. Yedetay suullin, 100ppe daro Kawotettaa Addaraashayne Yihoowa Markkatu keettatuppe 1,000ppe daroy muleera xayiiis. SHin Maalaawe kawotettay Yihoowa Markkatu oosuwa 1967n teqqana gakkanaaassi, nuuni woradaa oosuwa oottiyoo-gaa aggibookko. Blantayre giyo kataman macara biiruwan de'yaabaa wotti ekkidosona, misoonaaweta biittaappe yedettidosona, qassi Lidasonne tana gujgin, nu biittaa Yihoowa Markkatuppe darota qachidosona. Nuuni qashuwaappe birshshetti simmidi, gubaa'eta akeekan yuuyidi xomoosiyoo-gaa aggi-bookko.

Issi gallassi Xiqimita 1972n, *Malawi Yuz Liig* giyo makkalanacha polotika dirijjitiyaa yame gidida xeeta gidiyaaageeti nu soo yaanawu denddidosona. SHin eti tana woranawu koyido gishshawu, etappe issoy sinttatidi woxxiiddi yiidi, taani qosettanaadan yootiis. Ta machiyaanne ta naati matasan goshshan de'iyaa muuziyaa gididon qosettanaadan yootaas. Yaata-

da, woxxa baada issi gita mangguwaa mittaa bolli kiyaas. Nu keettaanne nuussi de'iyaa ubbabaa eti xayssiyo wode, yan uttada xeellays.

Maalaawen yedetay suulli suulli bin, sha'an qo-dettiyaageeti biittaappe betida. Nu soo asay Tamme 1974 gakkanaaassi Moozambbiken argo baggan de'iyaa betetu kambbiyan takkiis. He wode, Lidasanne taani Maalaawe zawaa heeran, Moozambbiken, Domiwe giyoosan dumma aqinye gididi haggazanaadan shoobettida. Moozambbike biittay Portugaale haaruwaappe 1975n la'a kiyana gakkanaaassi, he oosuwa oottida. Hegaappe simmin, nuuni etappe baqatidi biido, nuna yedettiyaageetukko Maalaawe biitti simmanaadan nunanne hara Yihoowa Markkata wolqqanttidosona.

Nuuni Maalaawe biitti simmin, waanna kataman Lilonguwan de'iyaa gubaa'eta xomoosanaadan madabettaas. Yedetayne he ubba metoy de'ishinkka, nuuni xomoosiyoo maataa demmido woradan gubaa'etu qooday gujjiis.

YIHOOWA MAADUWAA BE'IYOOGAA

Issi gallassi polotikaara gayttidaban asay shiiqi uttido heeri gakkida. Polotika dirijjitiyaa exatuppe amaridaageeti nuuni Yihoowa Markka gidiyoo-gaa eridi, *Malawi Yang Payoniirs* giyo polotika dirijjitiyaa yame gidida yelagatuura nuna uttissidosona. SHabbarettanaadan oottiya he hanotan Yihoo-way maaddanaadanninne kaalettanaadan akko mintti woossida. SHiiqoy wurin nuna wadhiyoogaa doommidosona. Issi cima maccaasiyaa woxxayda yaada,

Gita shiiqoy nuna gakkana yedetawu minttettiis



Ishantti polotikan gelenna
gishshawu, eta keettaa
xuuggidosona



Polotika
yamiyaa
karddiyaa



“Hayyanintta eta bochoppite! Ha bitanee ta ishaa na’aa. I ba biyoosaa baanaadan yeddite!” yaagaasu. SHiiquwaa kaalettiyaagee, “Eti boona aggibayite!” yaagiis. He maccaasiyaa nu dabbo gidenna gishshawu, a ay qoppidaakko erokko. Yihooway nu woosaa siyido gishshawu, hegaadan haniis giidi qoppoos.

Malawi Yang Payoniirs giyo polotika dirijjitiyaa yametuppe amaridaageetuura 1981nkka gayttida. Eti nu bishkkiliiteta, nu shanxxaa, amarida karttooniyana de’iya maxaafatanne woradaa allaalliyaabay xaaftiddobaa wotti ekkidosona. Nuuni etappe kessi ekkidi, issi gubaa’e cimaa soo woxxi biida. He wodekka he hanotaa xeelliyaagan Yihoowakko woossida. Eti nuuppe ekkido woradaa allaalliyaabay xaaftiddoban de’iya qofay ubbay nuna keehi qofissiiis. He yelagati heгаа loytti xeelliiddi, Maalaawe biittan ubbasaappe taayyo xaafettida dabddaabbeta be’idosona. Hegan eti tana he kawotettaa suntta giidi qoppido gishshawu, keehi yayyidosona. Yaatiyo gishshawu, ekkido ubbabaa sohuwaara heeran de’iya gubaa’e cimatussi immidosona.


Issitoo qassi, wolwoluwan shaafaa pinnoos. He wolwoluwaa goday heгаа heeran polotika liqambbare gidiyo gishshawu, wolwoluwaa toggida ubbawu polotika yamiyaa karddee de’iyaakkonne xomoosanawu koyiis. Nuukko gakkana haniyo wode, sunttati koyiyo kaysuwaa demmiis. Hegan asay shabbarettiyoorin, polotika yamiyaa karddiyaa koyiyoogeeekka attiigiis. Yihooway ba siiquwan nuna maaddiyoogaa he wodekka akeekida.

OHETTADA QASHETTAAS

Usuppune 1984n, Zambbiyaa macara biiruwwu irpporttiyaa yeddanaawu Lilongwe katamaa bays. Issi polisee taani beennadan teqqidi, ta shanxxaa qoriis. I Geeshsha Maxaafaa qofay de’iyo amarida xuufeta demmido gishshawu, polise xaabiyaa efiidi tana bukkiyoogaa doommiis. Hegaappe simmin tana wodoruwan qachidi, wuuqettidabay eta kushiyana beettido asati de’iyo kifiliyan yeggiis.

Wonttetta gallassi, polise halaqay tana hara kifiliyaa efiidi, “Taani, Trofim R. Nsombi, tana la’a kessana mala, Yihoowa Markka gidiiyoogaa aggaas” yaagidi xaafiis. Taani qassi, “Taani qashettiyoogaa xalla gidennan, hayqqanawukka giiga uttaas. Taani ha’-ikka Yihoowa Markka” yaagada zaaraas. Taani hegan paramennan ixxaas. Polise halaqay hegan keehi yiillotidi xarapheezaa wolqqappe bubbuxin, issi polisee aybi hanidaakko be’anawu matan de’iya kifiliyaappe woxxiiddi yiis. Halaqay ayyo heгааadan giis: “Ha bitanee Yihoowa Markka gidikke gaada parama gin ixxiis. Yaatiyo gishshawu, i taani Yihoowa Markka giidi paramo; yaatin i qashettanaadan a Lilongwe yeddana.” He ubaban, i waanideeshsha gaada ta siiqo machiyaa hirggaasu. Oyduu gallassappe guuyiyan amarida ishantti taani de’iyoosaa iyyo yootidosona.

Lilongwe polise xaabiyan de’iyaageeti tawu kehdidosona. Polisetu halaqay tana, “Neeni Xoosaa Qaalaa gishshawu qashettido gishshawu, ha sayniyaa ruuziyaa hey. Hegan de’iya harati kayso” yaagiis.



Nu oosuwaa higgayan teqqidosona; qassi kawotettay macaraa biiruwan de'yaabaa wotti ekkiis



Ishantti pirdda keettaappe kiyidi biishin

Hegaappe simmin, tana Kacheren de'ya qasho keetti yeddiis.

He qasho keettaa naagiyaagee taani yaa biido gishshawu ufayttiis; i taani he qasho keettaa "pasttere" gidanaadan koyiis. He wode pasttere gididi oottiyaagaa, "Neeni hagaappe simmin ha qasho keettan Xoossaa Qaalaa tamarissanaadan koyikke; ayssi giikko, neeni ne woosa keettaappe wuuqqido gishshawu qashettadasa!" yaagidi a maataappe wotitiis. Hega gishshawu, qashettidaageetussi giigida shiiquwan saaminttan saaminttan Geeshsha Maxaafaa tamarissiyo maataa demmaas.

Guyyeppe, hanotay keehi iitiis. Maalaawen aap-pun Yihoowa Markkati de'yaakko eranawu qasho keettaa alaafeti tana oychidosona. Eti koyiyoo-gaadan zaarabeenna gishshawu, taani hayqqidaba milatana gakkanaassi bukkidosona. Hara wode qassi nu waanna biroy awaanakko eranawu koyidosona. Taani etawu, "Intte zaaranawu metennabaa oy-chido gishshawu zaarana" yaagaas. Poliseti ufayttidi duuqqanawu teeppiyaa dooyidosona. Yihoowa Markkati waanna biiruwa Geeshsha Maxaafay yooti-yoogaa etawu qonccissaas. Eti garamettidi, "Geeshsha Maxaafan awan de'ii?" yaagidi oychidosona.

"Isiyaasa 43:12n de'ees," yaagada zaaraas. Xiqisiyaa kessidi 'Yihooway hagaadan gees, "Intte ta markkata, qassi taani Xoossaa" yaagiyaagaa akeekan nabbabidosona. Eti he xiqisiyaa heezzutoo nabbabidosona. Hegaappe simmin, "Yihoowa Markkati waanna biroy Amarkkan gidennan, waanidi Geeshsha Maxaafan de'ii?" yaagidi oychidosona.

Taani etawu, "Amarkkan de'ya Yihoowa Markkati-ka ha xiqisee bantta waanna biiruwaabaa qonccissi-yaabadan qoppoosona" yaagaas. Eti siyanawu koyi-yoobaa taani yootenna gishshawu, Lilonguwappe huuphessa baggan Dizaleka giyoosan de'ya hara qasho keettan qachidosona.

WAYSSIYA WODIYANKKA ANJJUWAA DEMMAAS

Isiine 1984n, Dizalekan de'ya qasho keettan 81 Yihoowa Markkatuura qashettaas. Yan qashettida 300 asati hashiyaa hashiyaara gattidi sa'an issippe xiskkoosona. Guyyeppe, Yihoowa Markkati citan citan, dumma dumma ishata galla galla issi xiqisiyaa yootin hega tobboos. Hegee nuna keehi minttettiis.

Hegaappe simmin, qasho keettaa naagiyaagee qashettida haratuppe nuna shaakkiis. Naagiya issoy hagaadan giidi nuussi xuuraa yootiis: "Kawotettay inttena ixenna. Nuuni inttena qachido naa'u gaa-soy, *Yang Payoniirs* giyoogeeti inttena worenna malanne sinttappe olay denddanaagaa intte sabbakiyo gishshawu, he olaa wode ba wotaaddarati baqati xayennaadan kawotettay yayyiyo gishshataassa."

Xiqimita 1984n, nuuni ubbay shilootan eqqida. Nuuni ubbay naa'u layttaa qashettanaadan pirddet-tiis. Kasegaadankka, Yihoowa Markka gidennaageetuura qashettida. SHin, qasho keettaa naagiyaagee ubbaassi hagaadan giis: "Yihoowa Markkati sijaaraa uyokkona. Hega gishshawu naagiyaagee-to, sijaaraa immanaadan eta oychidi wayssoppite, qassi intte sijaaraa oyttanawu tamaa ehanaadan eta oychooppite. Eti Xoossaa asata! Yihoowa Markkati

ubbay danobaa oottidi gidennan, Geeshsha Maxaa-faa ammaniyo gishshawu qashettidosona; yaatiyo gishshawu, galla galla naa'utoo etawu qumay imetana koshshees."

Lo'oban erettiyoogee hara ogetunkka nuna maadiis. Xuman woy iray bukkiyo wode, qashettidaageeti yaa haa hemettanaadan paqqadettenna. SHIN nuuni koyiyo wode awudekka kare kiyanaadan paqqadettees. Nuuni kessi ekkanawu koyennaagaa eti eroosona. Issitoo nuuni goshshaa sohuwan oottishin nuna naagiyaagee sahettin, i akkamettanaadan tookkidi guyye qasho keettaa gibbiyaa efiida. Qasho keettaa halaafeti nunan ammanettana danddayiyoogaa akeekidosona. Nuuni ubbatoo lo'obaa oottiyo gishshawu, nuna qachidaageeti Yihoowa sunntaa bonchiyoogaa be'iyooan anjettida.—1 PHe. 2:12.*

INJJETIYA WODEE ZAARETTIDI YIIS

Uddufune 11, 1985n, taani Dizalekan qashettido qashuwaappe birshshettaas. Ta so asaara zaarettada gayttido gishshawu keehi ufayttaas! He keehi wayssiya wodiyan nuuni ammanettidi de'anaadan Yihooway nuna maaddido gishshawu a galatoos. He wodiyaabay nuussi kiitettida PHawuloosaagaadan

* Maalaawe biittan gakkida yedetaabaa loyttada eranawu 1999 Yihoowa Markkatu Laytta Maxaafan (Ingilizettuwa), sinttaa 171-223 xeella.

siyettanaadan oottees; i hagaadan giis: 'Nu ishato, nuuni waayettido waayiyaa inttena hassayissanawu koyoos. Nuna worees giidi hirggida. Nuuni nu bolli hayquwaa pirdday pirddettiis yaagidi qoppida; shin hegee hanidoogee hayqqida asaa hayquwaappe denttiya Xoossan nuuni ammanettanaappe attin, nu huuphen ammanettennan agganaaasa. Xoossay haggaa mala iita hayquwaappe nuna ashshii.'—2 Qor. 1:8-10.


Nuuni paxa attokko giidi qoppido wodeekka de'ees. Gidikkokka, nuuni ubbatoo Yihoowa gita sunntaa bonchissana mala i nuna xalissanaadaaninne nu huuphiyaa kawushshana mala eratettaa immanaadan ubba wode akko woossoos.

Yihooway injjetiyo wodiyan kka meto wodiyan kka ayyo haggaziyo wode nuna anjiis. Ha wodiyan, Lilonguwan 2000n keexettida macara biiruwaanne 1,000ppe dariya ooratta Kawotettaa Addaraashati Maalaawen ubbasan keexettiyoogaa be'iyookee nuna keehi ufayssees! Yihoowappe demido he anjjoy ayyaanaaban keehi minttettiyaabaa gidido gishshawu, hegee taassinne Lidassii aymo mala!*

* Isha Nsombi ha xuufiyaa attamissanawu giigissishin ayyo layttay 83 gidin hayqqiis.



Isha Nsombinne a machiyaa Lidasa, 2004n Kawotettaa Addaraashaa sinttan



Yihoowaara Ne Dabbotaa Ay Keena Minttadii?

“Xoossaakko shiiqite; ikka intteekko shiiqana.”

—YAAQ. 4:8.

NEENI ne huuphiyaa Yihoowayyo geppada xammaqettadii? Yaatikko, Xoossaassi mata dabbo gidiyo al'o maataa demmadaa. SHin, Seexaanaa alamiyaa xalla gidennan, nu nagarancha asatettaykka he dabbotaa mooranawu kajjeeles. Ubba Kiristaanetikka hegaadan paacettoosona. Hegaa gishshawu, nuuni Yihoowaara dabbotaa kehi minttana koshshees.

² Yihooway neessi mata dabbodan qoncci beettii? Ne dabbotaa minttanawu koyay? Yaaqooba 4:8y, “Xoossaakko shiiqite; ikka intteekko shiiqana” yaagidi, neeni waatada minttana danddayiyaakko yootees. He dabbotettaa minttanawu neenikka Yihoowaykka oottiyoobay de'ees.* Nuuni kaseti Xoossaakko shiiqiyo wode, ikka nuukko shiiqees. Darotoo hegaadan oottiyoogee nuuni loddan loddan Yihoowaara dabbotaa

* Naa'u asati issay issuwawu qoppiyoonne oottiyo ogee dabbotaa geetettes. Yaa-tiyo gishshawu, naa'aykka oottana koshshiyaabay de'ees.

1. Nuuni Yihoowaara dabbotaa minttana koshshiyoy aybissee?
2. (a) Dabbottay aybee? (Tohossa qofaa xeella.) (b) Nuuni Yihoowaara dabbotaa waati minttana danddayiyoo?

WOYGADA ZAARUUTEE?

Neeni Xoossaa Qaalaa ayba halchuwan xanna'ana koshshii?

Yihooway oottiyoobay ubbatoo likke gidiyoojaa neeni ammanettanaadan oottiyay aybee?


Neeni woossiyo wode geeshshada yootana koshshiyoy aybissee?

minttanaan oottees. Hegee Yihooway nuuyo mata dabbodan qoncci beettanaan maaddes. Nuuni Yesuusagaadan amanettanaadanka oottees; i, “Tana kiitti-daagee *tumanchcha*; . . . *taani a erais*” yaagiis. (Yoh. 7:28, 29) SHin, neeni Yihoowakko shiiqanawu ay oottana danddayay?

³ Yihoowakko shiiqanawu keehi kosh-shiyaabaappe issoy aara ubbatoo haasayi-yoogaa. Xoossaara waatada haasayana danddayay? Haahosan de'iya ne laggiyaara waatada haasayaakko qoppa. Geelladan dabddaabbiyaaninne silkkiyan darotoo issoy issuwara gayttennan aggekketa. Nee-ni aggenan Yihoowakko *woossiyooagan a* haasayissaasa. (**Mazamure 142:2 nabbaba.**)

3. Nee-ni Yihoowara waata haasayana danddayay?

Xoossaara waatada haasayana danddayay?
(Mentto 3 xeella)



Nee-ni *Yihoowa qaalaa nabbabiyoogeenne he-gaa wotta dentta qoppiyoogee* i nena haasayissanaan eeno gaasa giyoogaa mala. (**Isiyaasa 30:20, 21 nabbaba.**) Hegaadan nuuni Yihoowara haasayiyoogee, i nuuyo mata dabbodan qoncci beettanaan ootti-di, nu dabbotaa waati minttiyaakko ane be'oos.

GEESHA MAXAAFAA NEENI XANNA'IYO WODE YIHOOWAY NENA HAASAYISSEES

⁴ Xoossay asa ubbawu yootidobay Geeshsha Maxaafan de'iyoo-gaa maayennan aggakka. SHin Geeshsha Maxaafay *neeni* Yihoowayyo waanada mata dabbo gidana danddayiyaakkokka qonccissii? Ee, qonccissees. Nee-ni ubbatoo Geeshsha Maxaafaa nabbabiyo wodenne xanna'iyoo wode, he-gaa xeelliyaaagan neeyyo aybi siyettiyaakko qoppa. Qassi neeni tamaridobaa waata oosuwan peeshshana danddayiyaakko wotta denttada qoppa. Yaatiyo wode, Yihooway nena haasayissanaan eeno gaasa. Hegee neeni aara dabbotaa minttanaan maaddes.—Ibr. 4:12; Yaaq. 1:23-25.

⁵ Leemisuwawu, Yesuusi, “Sa7an intte huuphessi miishsha dagayoppite” yaagidoogaa nabbabada wotta dentta qoppa. Kawotettaabaa ne de'uwan kaseyiyaabadan qoppikko, Yihooway nena nashshiyoo-gaa akeekaasa. Hara baggaara qassi, ne de'uwan issi issibaa agga bayada Kawotettaabaa kaseyana koshshiyoo-gaa akeekikko, Yihooway *neeni* aara dabbotaa minttanawu oottana koshshiyaabaa akeekissees.—Maa. 6:19, 20.

⁶ Nuuni Geeshsha Maxaafaa xanna'iyoo

4. 5. Yihooway ba qaalaa baggaara nena waati haasayissii? Leemisuwaa yoota.

6. 7. (a) Geeshsha Maxaafaa xanna'iyoo wode, nuuni Yihoowa siiqiyo siiqoyne i nuna siiqiyo siiqoy waanii? (b) Nuuni xanna'iyoo wode ay halchana koshshii?

wode Yihoowawu loytti haggaaazanawu nu de'uwana laamettana danddayiyoobaa ta-maariyoogee tuma. SHin hegee nuuni Yi-hoowa lo'o eeshshaa keehi nashshanaa-dankka maaddees; yaatiyo wode a keehi siiqoos. Nuuni Xoossaa mintti siiqiyo wode, ikka nuna keehi siiqees; hegee aara dabbotaa minttanaadan oottees.—**1 Qoron-toosa 8:3 nabbaba.**

⁷ SHin nuuni Yihoowayyo mata dabbo gidanawu, lo'obaa halchidi xanna'anawu koshshees. Yohaannisa 17:3y, "Asai nena issi Xoossaa gididaagaa erana malanne, qassi neeni kiittido Yesuus Kiristtoosa era-na mala, hagee merinaa de7o" yaagees. Hega-gishshawu, nu halchoy era gujjana xallaassa gidennan, Yihoowa loytti 'eranaassa' gidana koshshees.—**Kessaabaa 33:13 nab-baba;** Maz. 25:4.

⁸ Nuuni Yihoowa loytti eriyo wode, Geeshsha Maxaafay yootiyo issi issibaa i hegaadan oottidoy aybissakko nuuyyo gela-na xayikko, hegee nuna kalkkoyenna. Leemisuwawu, Yihudaa Kawuwaa Ooziyaana Yihooway oottidoban neeyyo aybi siyet-tii? (2 Kaw. 15:1-5) 'Asay xoqqa sohotun yarshshuwaa yarshshiyooogaanne ixaanaa cuwayiyoogaa aggana' xayikkonne, Oo-ziyaani 'Yihoowa sinttan suurebaa ootti-doogaa' akeeka. Gidikkokka, "GODAI Oo-ziyaana hanttaara goga harggiyan oittiis; haiqqana gakkanaashinkka he harggee a yeddibeenna." Aybissi? He taarikee aybis-sakko yootenna. Hegee nuna kalkkoyana woy Yihooway Ooziyaana gaasoy baynnan qaxxayideeeye giidi qoppaanaan ootta-na koshshii? Nuuni Yihoowa loytti erikko hegaadan qoppokko. Yihoowa eriyoogee i

8. (a) Naa'antto Kawotu 15:1-5n odettidaagaadan Yihooway Kawuwaa Ooziyaana oottidobaa xeelliyaagan nuna kalkkoyana danddayiyaabay aybee? (b) Yihoowa eriyoogee i oottiyobaa xeelliyaagan aynne sirennanaan nuna waati maaddii?

ubbatoo "likke pirddan" qaxxayiyooogaakka eriyoogaa. (Erm. 30:11) Hega mala eray, Yihooway Ooziyaana hegaadan oottidoy ay-bissakko nuuni erana xayikkokka, I suu-re pirddiyooogaa ammanettanaadan maad-dees.


⁹ Gidoppe attin, he hanotaa xeelliyaagan Geeshsha Maxaafay harasan loytti qonccis-sees. Ooziyaani guutta wodiyawu Yihoo-wa sinttan suurebaa oottikkonne, guyyep-pe "otoroi a kunddettau" kaalettidoogaa 2 Hanidabaa Odiya 26:3-5, 16-21n de'iya taarikiyaappe akeekoos. I otorettidi, qeese-tussippe attin baayyo imettibeennabaa oot-tanawu maliis. Hospun tammanne isiini qeese-ti a teqqidi seeranawu malidosona. SHin Ooziyaani waatidee? I ay keena oto-rettiyaakko bessiis. I qeesetu bolli "han-qqettiis." Yihooway a hanttaara goga har-ggiyan oyttidoogee garamissenna!

¹⁰ Hegaappe ay tamaariyoo? Geeshsha Maxaafan qanttan odettida taariketuugaa-dan, Xoossaa Qaalan darobay qonccibeen-na allaalliyaabaa qoppa. Hegee Xoossay xillo gidiyoogaa neeni siranawu malanaa-dan oottanee? Woy qassi Yihooway ootti-yobay ubbatoo likke gidiyoogaanne iitaa kehaa xeelliyaagan maaraa kessiyay a gi-diyooogaa Geeshsha Maxaafay loytti qon-ccisseees gaada qoppuutii? (Zaa. 32:4) Nuuni Yihoowa loytti eriyo wode, a eeshshaa keehi siiqiyoonne nashshiyoo gishshawu, i ay oottikkonne ayssi oottidaakko qon-ccissanaadan koyokko. Xoossay ba Qaa-lan yootiyobaa neeni loytta xanna'iyoonne wotta dentta qoppiyo wode, kaseegaappe

9. Yihooway Ooziyaana hanttaara goga harggiyan oyttidoy aybissakko qonccissiyay aybee?

10. Yihooway oottiyobaa ayssi oottiyaakko ubba-too nuussi qonccissana koshshennay aybissee, qas-si Yihoowa ogee geeshsha gidiyoogaa nuuni mintti ammanana danddayiyoy aybissee?

Nuuni merinawu Yihoowaara dabbotaa mintti mintti baana danddayoos (Mentto 16, 17 xeella)



TAMAARIYO WODE

KUMETTA WODIYAA HAGGAZUWAN

aaruwan hegaadan nashshanaagaa ammanetta. (Maz. 77:12, 13) Hegeee qassi Yihooway neessi kaseegaappe aaruwan qonccii beettanaadan oottin aara dabbotaa minttaasa.

WOOSIYO WODE YIHOOWA HAASAYISSAASA

¹¹ Woosay nuuni Xoossaakko shiiqanaadan maaddees. Nuuni a sabboos, gala-toosinne i nuna kaalettanaadan oychoos. (Maz. 32:8) SHin Yihooway neessi mata dabbodan qonccii beettana mala, i woosaa siyiyoogaa neeni ammanana bessees.

¹² Issi issi asay woosaa go"ay woppu ootiyoo-gaa xalla giidi qoppees. Eti issi uri ba woosaa zaaruwaa demmidababan qoppiyoy, i ba qoppidobaa haasayidinne bana wayssidabaa akeekidi, heгаа giigissanawu murttido gishshataassa goosona. Woosay hegaadan maaddikkonne, neeni wozanappe woosiiyo woosaa Yihooway siyiyoogaa aybin eray?

¹³ Ane haggaa qoppa: Yesuusi asa gi-

11-13. Yihooway woosaa siyiyoogaa aybin eray? (Ha huuphe yohuwaa doomettan de'ia misiliyaa xeella.)

danaappe kase Yihooway baassi oottiya asatu woosaa siyishin be'iis. Hegaappe simmin, Yesuusi sa'an haggaziyo wode, saluwan de'ia ba Aawaakko woosiiyoogan baassi siyettiyaabaa ayyo yootiis. Yihooway siyenna giidi qoppiyaakko, i hegaadan oottanee, ubbakka kumetta qammaa woosiiddi aqanee? (Luq. 6:12; 22:40-46) Woosaa go"ay woppu ootiyoo-gaa xalla giidi qoppiyaakko, i ba erissiiyo ashkkarati woossanaadan tamarissanee? Woosay Yihoowaara haasayiiyo oge gidiiyoogaa Yesuusi eriyoo-geee qonccce. Issi wode Yesuusi, "Aawau, taani giyoogaa neeni siyido gishshau, nena galatais. Neeni ubba wode siyiyoogaa taani erais" yaagiis. Yihooway 'woosaa siyiyaagaa' gidiiyoogaa nuunikka ammanettana danddayoos.—Yoh. 11:41, 42; Maz. 65:2.

¹⁴ Neeni geeshshada yootiiyoogan woosiiyo wode, Yihoowa zaaroy xuura gidikkonne, heгаа loyttada akeekaasa. Yihooway ne woosaa zaariyo wode, i neessi keehi qonccii

14, 15. (a) Nuuni woosiiyo wode geeshshidi yootiiyoogee nuna waati maaddii? (b) Issi michee woosay a Yihoowaara dabbotaa minttanaadan waati maaddidee?



AQO DE'UWAN

HA WODIYAN GAKKIYA PAACIYAA

beettees. Hegaa bollikka, neeni nena wozanappe qofissidabaa Yihoowayyo yootiyo wode, i neekko keehi shiiqees.

¹⁵ Keto giyo micheebaa qoppa.* A ubba wode haggazikkokka, haggaa ziyoogaa dosukku. A hagaadan gaasu: "Taani kase haggaa zuwaa dosikke. Taani *tumaa* gays, dosikke. Ta xurataa kiyiyo wode, issi cimay taani aqinye gidanaadan hidootiyoogaa yootiis; i ubbakka qitsiyaa kuntanaadan tawu immiis. Taani aqinye gidanawu qofaa qachaas; shin haggaa zuwaa dosanaadan Yihooway tana maaddana mala galla galla woossiyoogaa doommaas." Yihooway i woosaa siyidee? A hagaadan gaasu: "Taani aqinye gidoosappe ha"i heezzu laytta gidiis. Taani daro saatiyaa haggaa ziyoonne hara michontuppe tamaariyo gishshawu, markkattiyoogan loddan loddan kaseegaappe qara gidaas. Ha"i taani haggaa zuwaa dosiyoogaa xalla gidennan, *sii-qays*. Ubba qassi, kaseegaappe aaruwan Yihoowassi mata dabbo gidaas." Keeti woosay Yihooway iyyo mata dabbodan qonccii beettanaadan maaddidoogee qoncce.

* Suntuay laamettiis.

OOTTANA KOSHSHIYAABAA OOTTIYOOGAA

¹⁶ Nuuni merinawu Yihoowaara dabbotaa mintti mintti baana danddayoos. Nuuni Xoossay nuukko shiiqanaadan koyikko, akko shiiqana bessees. Hegaa gishshawu, Geeshsha Maxaafaa caddi oyqqi xanna'iyoogaaninne aggennan woossiyoogan ubbatoo Xoossara haasayiyaageeta gidoo. Yaatikko, Yihoowaara dabbotaa ubbatoo mintti mintti biyoogan paaciyaa eqettana danddayoos.

¹⁷ SHin nuuni aggennan woossishinkka metoy qaarettennan ixkikko, hegee wolqqaama paace. Hegaa mala hanotay nuuni Yihoowan wozanappe ammanettennaadan oottana danddayees. He wode, Yihooway nu woosaa siyiishsha woy nuna ba dabbodan xeelliishsha giidi qoppana danddayoos. Xoossay nuussi mata dabbodan qonccii beettin, heгаа malabay gakkiiyo wode waanidi ammanettana danddayiyo? Haggaa kee kaalliyaa huuphe yohoy he qofaa qonccissees.

16, 17. (a) Yihoowaara nu dabbotaa ubbatoo mintti mintti baanawu ay oottana bessii? (b) Kaalliyaa huuphe yohoy qonccissiiyo wolqqaama paacee ay-bee?



Ubba Wode Yihoowan Ammanetta!

“Asau, Xoossan ubba wode ammanettite.”—MAZ. 62:8.

WOYGADA ZAARUUTEE?

Yihooway nu woosaa ubbatoo sohuwaara zaarennay aybissee?

Yihooway 1 Qoronttoosa 10:13n qaalaa gelidobaappe minttettiyaabaa ay demmay?

Yihoowan minttada ammanettanaadaaninne aara dabbotaa minttanaadan nena maaddana danddayiyaabay aybee?

KOYRO XEETU LAYTTAN Roomen de'ya Kiristtaanetussi hanotay keehi iita. He wode Roometi Kiristtoosa kaalliyaaageeti asaa ix-xoosonanne 64 M.Ln katamaa xuuggidosona giidi eta mootoosona; qassi eta yedettoosona. Neeni he wode de'ya Kiristtaane gididiyaakko, galla galla qashettananne barchiyaa be'ana danddayaasa. Ne ishanttuppenne ne michonttuppe amaridaageeta do'ay zaazennan aggenna, woy asay eta mittaa bolli misimaariyan xi-shidi, qammi poo'issanawu paxa xuuggennan waayi aggana.

² Kiiittida PHawuloosi Roomen naa'anttuwaa qashettidoy keehi wayssiya he wodiyaana gidennan aggenna. Hara Kiristtaaneti a maaddanee? PHawuloosa koyro hegee hirggissennan aggenna; ayssi giikko, i Ximootiyoosayyo, “Koiro tana mootiyo wode, ubbaikka aggi bayidoogaappe attin, tana ooninne maaddibeenna. Xoossai heгаа etau qoodoppo” yaagidi xaafiis. Gidikokka, PHawuloosi bana maaddiya uri de'iyooгаа akeekiis. I, “Godai ta matan eqqidi, taayyo wolqqaa immiis” yaagidi xaafiis. Ee, PHawuloosayyo koshshiya wolqqaa Goday Yesuusi immiis.

1-3. PHawuloosi Yihoowan ammanettana danddayiyoogaa siribeennay aybissee? (Ha huuphe yohuwaa doomettan de'iya misiliyaa xeella.)

PHawuloosi ubbakka, “Gaammuwaa doonaappekka tana ashshiis” yaagidi xaafiis. —2 Xim. 4:16, 17.*

³ Hegaa hassayiyoogee PHawuloosi bana gakkiaanne sinttaappe gakkana danddayiya metuwaaninne paaciyan Yihooway bawu wolqqaa immanaagaa ammanettanaadan oottidi, a minttettennan aggenna. PHawuloosi hegaa ammanettido gishshawu, ‘Goday tana itabaa *ubbaappe* ashshana’ yaagiis. (2 Xim. 4:18) Ee, asay maaddenna wodekka, Yihoowayne a Na’ay maaddiyoogee sirisennaagaa PHawuloosi tamaariis!

‘YIHOOWAN AMMANETTIYOOGAA’ BESSIYO HANOTATA

⁴ Metiya hanotan issi issitoo nena maaddiyaabi baynnabadan qoppa eray? Hegeetuppe amaridaageeti ooso xayiyooгаа, timirtte keettan gakkiaya metuwaa, sahuwaa woy hara azzanttiyaabaa gidana danddayoosona. Nena maaddanaadan harata oychemnan aggakka; shin koshshiyaaban eti nena maaddibeenna gishshawu azzanadasa. Issi issi metoy asi maaddin qaarettana danddayennaagee qoncce. He wode neeni ay oottana koshshii? Geeshsha Maxaafay nuuni ‘Yihoowan ammanettanaadan’ yootees. (Lee. 3:5, 6) SHin i nena maaddanaagaa ammanettana danddayay? Ee, danddayaasa! Yihooway ba asaa tumuppe maaddiyooгаа nuuni ammanettanaadan oottiya darobaa Geeshsha Maxaafan demmana danddayoos.

⁵ Hegaa gishshawu, asi maaddennan aggiyo wode uluwan lancce oyqqiyooгааappe, hegaa mala hanotaa PHawuloosaagaaadan Yihoowan wozanappe ammanettada

* PHawuloosi appe attido ‘gaammuwaa doonay’ tumu gaammuwaa bessiyaaba woy leemiso gidana danddayees.

4, 5. (a) Koshshiya maaduwaa ubba wode ooppe demmana danddayay? (b) Yihoowaara dabbotaa waata minttana danddayay?

siiquwan i maaddiyooгаа be'ana danddayiyoobadan xeella. Hegee neeni an mintta ammanettanaadaaninne awudeegaappenne aaruwan ayyo mata dabbo gidanaadan oottees.

XOOSSAA DABBO GIDANAWU AN AMMANETTANA KOSHSHEES

⁶ Metoy un'ettin danddayettida ubbabaa oottada attidaagaa Yihooway giigissanaagaa eriyo gishshawu, aakko woossada woppu gaana danddayay? Ee, danddayaasa! (**Mazamure 62:8; 1 PHeexiroosa 5:7 nabba-ba.**) Yihoowan ammanettiyoogaa tamaariyoogee aara dabbotaa minttanawu keehi maaddes. SHin, Yihooway neessi koshshiyaabaa kunttanaagaa ammanettiyoogee metiyaaba gidana danddayees. Aybissi? Yihooway ubba wode sohuwaara zaarennaagee hegawu issi gaaso gidana danddayees. —Maz. 13:1, 2; 74:10; 89:46; 90:13; Imb. 1:2.

⁷ Nuuni oychiyo ubbabaa Yihooway sohuwaara zaarennay aybissee? Nuuni aara dabbotiyoogaa naati bantta aawaara dabbotiyoogaara i geeddarssiyoogaa hassaya. (Maz. 103:13) Issi na'i oychiyo ubbabaa ba aaway immana woy eesuwan hegaadan oottana giidi qoppennaagee qoncce. Naati oychiyo issi issibay eti sohuwaara dogi aggiyooba gidana danddayees. Harati bessiya wodee gakkanaashin naagana koshshiyoobata. Harati qassi naata woykko hara asaa maaddennaba gidana danddayoosona. Hegaa bollikka, na'i oychiyo ubbabaa polikko, na'ay goda mala, aaway qassi ayyo ashkkara mala gidees. Saluwan de'iya nu Aaway Yihooway nuna siiqees. I nuna Medhida aadhida eranchaa gidiyooгааadan, nuussi koshshiyaabaanne nuuni oychiyoobaa zaarana

6. Un'ettiyo wode Yihoowan ammanettiyoogee metiyaaba gidana danddayiyoy aybissee?

7. Yihooway nu woosaa ubbatoo sohuwaara zaarennay aybissee?

bessiya wodiya erees. Nu woosaa Yihooway waatidi zaaranaakko naagidi be'iyoogee lo'o.—Isiyaasa 29:16; 45:9ra gatta xeella.

⁸ Yihooway asi ubbi gencceanne genccennan aggana danddayiyoobaa eriyooгаа hassaya. (Maz. 103:14) Hegaa gishshawu, nuuni nu wolqqan genccana giidi i qoppenna; shin aawa gidiyo gishshawu maaddes. Nuuni issi issitoo genccana danddayennabandan qoppana danddayoos. SHin Yihooway ba ashkkarati bantta wolqqay danddayiyoogaappe aadhiya paaciyan paccettanaadan koyennaagaa qonccissiis. Ee, 'kessi ekkiyo ogiyaa i immana.' (**1 Qorontoosa 10:13 nabbaba.**) Yaatiyo gishshawu, nuuni genccana danddayiyoobaa xeelliyaa-gan Yihooway qoppiyoobay likke gidiyoo-gaa ammanettoos.

⁹ Nuuni woossidi sohuwaara maaduwa demmana xayikko, nuna maaddana wodiya eriya Xoosaa naagiyaageeta gidoos. I nuna ashshanawu ubbatoo amottiyo gishshawu, ikka danddayan naagiyoogaa hassaya. Yihooway "intteyyo kehanau naagees; i intteyyo qarettiyoogaa bessanau denddees. Aissi giikko, [i] xillo pirddiya Xoosaa; a naagiyaageeti ubbati anjettidaageeta."—Isi. 30:18.

'GAAMMUWAA DOONAA'

¹⁰ Wolqqaama metoy gakkiiyo wode, neessi PHawuloosaagaadan 'gaammuwaa doonan' woy a doonaa matan de'yaabadan siyettana danddayees. Hegaa mala wodiyan Yihoowan ammanettiyoogee metiyaa-ba gidikkokka, hegee keehi koshshiyaaba.

8. Nuuni genccana danddayiyoobaa xeelliyaa-gan Yihooway gelido qalay aybee?

9. Nuuni woossidi sohuwaara maaduwa demmenna wode ay oottana koshshii?

10-12. (a) Yeddenna hargee oyqqido so asaa yara xeelliyaa Kiristaaniyaa, hanotay waatidi keehi wayssana danddayii? (b) Metiya wodiyan Yihoowan ammanettiyoogee issi uri aara dabbotaa mintanaadan waati maaddii? Leemisuwaa yoota.

Leemisuwawu, neeni keehi siiqiyo ne so asaa yara yeddenna hargee oyqqin maaddaasa giidi qoppoos. Neeni minnanawunne eraa demmanawu woossennan aggakka.* Hegaa xeelliyaa-gan neeyyo danddayettida ubbabaa oottada, Yihooway nena ubbatoo xeelliyoo-gaanne ammanettada gencceanawu koshshiyaabaa immanaagaa eriyo gishshawu woppu giikkii?—Maz. 32:8.

¹¹ Yihooway nena maaddennaba neessi milatana danddayees. Dottoreti neeyyo issoy issuwaagaa phalqqiyaabaa yootana danddayoosona. Woykko neeni nena minttettana gaada qoppido dabboti hanotay neeyyo yaa iitanaadan oottana danddayoosona. Yihooway nena minttettanaagaa ubba wode ammanetta. Ubbatoo akko shiiqa. (**1 Sameela 30:3, 6 nabbaba.**) Maaduwa demmiyo wode, aara dabbotaa minttaasa.

¹² Linda[#] sahattida ba aawaanne aayiyoyo eti hayqqanaappe kase amarida layttaa maadda simmada, hegee tuma gidiyooгаа eraasu. "He wode ta azinay, ta ishayenne taani ay oottanaakko darotoo erokko. Maaddiya uri baynnabandan nuuyyo issi issitoo siyettiis. SHin, heгаа hassayiyo wode, Yihooway nuna waati maaddidaakko loyttidi akeekoos. I nuna minttettiis; qassi aynne oottana danddayennaba nuussi malatido wodiyaankka nuuyyo koshshiyaabaa immiis."

¹³ Yihoowan wozanappe ammanettiyoogee waayiyaa wodekka maaddana danddayees. Yihoowa Markka gidenna i azinay Rando yeddana haniyo wode, i ishaa

* Kiristaaneti sahattiyo wode genccanaadan maaddiyanne eta xeelliyaa-geetakka maaddiya issi issi qofay nu xuufiyan kiyiis. Usuppune 8, 1994anne Usuppune 8, 1997 (Inggilizettuwa); Masqqala 2000anne Usuppune 2001 (Amaarattuwa) *Beegottite!* maxeeteta xeella.

[#] Issi issi asatu sunttay laamettiis.

13. Yihoowan ammanettiyoogee issi michiyaa daganttiya dumma dummabay gakkishin genccanaadan waatidi maaddidee?



Yihoowa dabbo gididi de'ennaadan nu son merettiyaabaykka paaccana danddayees
(Mentto 14-16 xeella)

luupes giyo woriya harggee oyqqidoogee erettiis. Guutta aginaappe simmin, i ishaa machiyaa hayqqaasu. Randa ha daganttiyaabaappe minettiyoogaa doommido wode, aqinye gidaasu. Hegaappe simmin takkennan i aayiyaa hayqqaasu. Randa gencnaanadan aybi maaddidee? A hagaadan gaasu: "Taani guuttabawukka galla galla Yihoowakko woossaas. Hegee taayyo Yihooway be'iyoojaa keena qoncce gidanaadan oottiis. Ta qofan woy hara asa qofan zempiyoojaappe Yihoowan ammanettiyoogaa hegaappe tamaaraas. I tawu koshshiya ubabaa immiyoojan tana maaddiis. Hegaappe denddidaagan, Yihoowaara issippe oottiyoogaa ta de'uwan be'aas."

14 Hara hanotaa qoppa. Neeni siiqiyoo so asaappe issoy bohattiis giidi qop-

14. So asi bohattido ammanettida Kiristaanee ay ammanettana danddayii?

poos. Geeshsha Maxaafay bohettidaageeta xeelliyaaagan yootiyoojaa eraasa. (1 Qor. 5:11; 2 Yoh. 10) SHin neeni bohettidaagaa siiqiyoo gishshawu, Geeshsha Maxaafaa maaraa azazettiyoogee keehi deexxiyaaba, ubba qassi danddayettennaba gaada qoppa danddayaasa.* Bohettidaageeta xeelliyaaagan Geeshsha Maxaafaa kaaletuwaa murttada kaallanawu neeni minnanaadan saluwan de'iyaa ne Aaway maaddanaagaa ammanettana danddayay? He hanotaa Yihoowaara dabbotaa minttana danddayiyoobadan qoppuutee?

15 Hega xeeelliyaaagan koyro bitaniyaa Addaamebaa qoppa. I Yihoowayyo azazettennan ixixidi, hayqqennan paxa de'ana giidi

* Ha maxeetiyan, "Bohiyoogee Siiquwan Giigidaba Gi-diyoy Aybissee?" giya huuphe yohuwaa xeella.

15. Addaamee Edenen Yihoowawu azazettiibeenay aybissee?

qoppidee? CHii qoppibeenna; ayssi giikko, Geeshsha Maxaafay ‘Addaamee cimetti-beennaagaa’ yootees. (1 Xim. 2:14) Yaatin, i ayssi azazettennan ixixidee? Hewaana immido mittaa teeraappe Addaamee miidoy ba machiyo siiqiyo gishshataassa gidennan waayi aggana. I ba Xoossaa Yihoowawu azazettiyoogaa aggidi, ibaa siyiis.—Doo. 3:6, 17.

¹⁶ Hegee nuuni nu so asaa keehi siiqana koshshennaagaa bessii? Bessennaagee qoncce! SHin nuuni ooppenne keehi siiqana koshshiyoy Yihoowa. (**Maatiyoosa 22:37, 38 nabbaba.**) Hegee nu so asay Yihoowayyo haggazin aggin, eta keehi maaddees. Hegaa gishshawu, ubbatoo kaseegaappe aaruwan Yihoowa siiqanne an ammanet-

16. Nuuni ooppenne aaruwan siiqana koshshiyoy oonee, qassi aybissi?

ta. Bohettida intte so asa hanotay nena qofissikko, qofissiya ubbabaa Yihoowayyo woosan yoota.* (Roo. 12:12; Pili. 4:6, 7) He azzanttiya hanotaa Yihoowaara dabbotaa minttanawu go’etta. Hegee qassi, keehi lo’obaa demmanawu Yihoowan ammanettanaadan maaddees.

DANDDAYAN NAAGIYO WODE

¹⁷ PHawuloosi ‘gaammuwaa doonaappe’ attido gaasoy aybee? I “Aihuda gidenna asai ubbai siyanau yootana mala” attidoogaa odiis. (2 Xim. 4:17) Nuuni PHawuloosaagaadan minnidi sabbakiyo wode, nuussi koshshiya hara ubbabaa Yihooway ‘immanagaa’ ammanettoos. (Maa. 6:33) Nuuni Kawotettaabaa sabbakiyaageeta gidiyo gishshawu, ‘wonggeliyaa hadaraa ekkida’; qassi Yihooway nuna banaara “issippe oottiya” oosanchadan xeellees. (1 Tas. 2:4; 1 Qor. 3:9) Xoossaa oosuwaa danddayettida ubban nuuni minni oottiyoogee maaduwa demmana gakkanaashin naaganaadan maaddees.

¹⁸ Yaatiyo gishshawu, Xoossaa dabbotaa minttanawu ha wodiya go’ettiyaageeta gidoos. Metoy gakkinn neeni hirgikkiko, he hanotaa Yihoowaara dabbotaa minttanawu go’etta. Geeshsha Maxaafaa nabbaba, xanna’a, qassi wotta dentta qoppa. Ubba wode Yihoowakko woossa, qassi minnada ayyo haggaza. Yaatikko, nena gakkiiyaanne sinttaappe gakkana danddayiya meto ubban genccanaadan Yihooway maaddanaagaa ammanettana danddayaasa.

* Ammanettida so asati eti siiqiyo so asaappe issoy bohettiyoo wode genccanaadan maaddiya huuphe yohoy nu xuufiyan kiyiis. Masqqala 1, 2006, sinttaa 17-21, qassi Ichashe 15, 2007, sinttaa 17-20, *Wochiyo Keelaa* (Amaaratuwaa) maxeeteta xeella.

17. Nuuni Kawotettaabaa minnidi sabbakiyo wode, Yihoowan ammanettiyoogaa waati bessiyoo?

18. Waatidi Yihoowan mintti ammanettanne aara dabbotaa minttana danddayiyoo?

Yihoowayyo minnada oottiyooagan an ammanettiyoogaa bessa
(Mentto 17 xeella)





Bohiyoogee Siiquwan Giigidaba Gidiyoy Aybissee?

HUULIYAANI hagaadan giis: “Ta na’ay bohet-tidoogaa erissuwaa siyido wode, tawu ubba-bay leelidaba milatiis. I taassi bayra na’a; qassi nuuni keehi siiqettoosinne darobaa issippe ootti-da. I keehi lo’o na’a; shin qoppennan iitabaa oottiyoogaa doommiis. Ta keettaayiyaa ubbatoo yeekkawusu; qassi taani o waata minttettanaako erikke. Aawaappenne aayeepe koyettiyaabaa polibookkoniishsha giidi ubbatoo nuna oychoos.”

Issi Kiristaaniyaa bohiyoogee keehi azanttiyaaba gidikko, waanidi siiquwan giigidaba geettana danddayii? Geeshsha Maxaafay yootiyoogaadan xalidi hegaadan oottana koshshiyoy aybissee? Issi uri aybissi bohettii?

BOHETTANAADAN OOTTIYA NAA’U GAASUWAA

Naa’ubay polettiyo wode, issi Yihoowa Markkay bohettees. Koyroogee, xammaqettida Yihoowa Markkay gita nagaraa oottiyoogaa. Naa’anttoogee, i ba nagaraappe simmennan ixxiyoogaa.

Nuuni nagari baynnaageeta gidanaadan Yihooway naagana xayikkonne, ba ashkkaarati geeshshatettaa maaraa naaganaadan koyees. Leemisuwawu, shori baynnabaa, eeqaassi goynniyoogaa, wuuqqiyoogaa, bonqqiyoogaa, woriyoogaanne iita ayyaanaa oosuwaa mala gita nagaraa nuuni

oottennaadan Yihooway zorees.—1 Qor. 6:9, 10; Ajj. 21:8.

Yihooway kessido geeshshatettaa maaray besiyaabanne nuna naagiyaaba gidiyoogaa maayik-kii? Ammanettiya, saruwan de’iya suure asaara de’anawu ooninne koyees. Nu huuphiyaa Xoossawu geppiyo wode a Qaalan de’iya maaraa kaallidi de’anawu qaala gelido gishshawu, ayyaanaaban nu ishanttuuranne michonttuura heгаа mala hanotan de’oos.

Xammaqettida issi Kiristaanee nagarancha gidiyoogaappe denddidaagan gita nagaraa oottikko shin? Beni wode Yihoowawu ammanettida ashkkaarati heгаа mala nagaraa oottidosona; shin Xoossay eta muleera yeggi aggibeenna. Hegeetuppe issoy Kawuwaa Daawita. Daawiti wodiraa laammiisinne asa woriis; gidikkokka, hananabaa yootiya Naataani ayyo, Yihooway “ne nagaraa atto girggiis” yaagiis.—2 Sam. 12:13.

Daawiti wozanappe nagaraappe simmido gishshawu, Xoossay ayyo atto giis. (Maz. 32:1-5) Heгаadan, ha wodiyan Yihoowayyo oottiya uri bohettiyoy ba nagaraappe simmennan ixxiyo woy iitabaa oottiyoogaa aggennan ixxiyo wode xalla. (Oos. 3:19; 26:20) Issi uri wozanappe nagaraappe simmidoogee pirdda konttiyan oottiya cimatussi qonccana xayikko, i bohetkana koshshees.

Nagara oottidaagee nunaara keehi matattiya

ura gidikko, a bohiyoogee qareti baynnaagaa bes-siyaaba giidi koyro heeran qoppana danddayoos. Gidoppe attin, he pirdday siiquwaa bessiyaa-ba giidi ammanana bessiyoojaa Yihoowa Qaalay nuna akeekissees.

BOHIYOOGEE AYBISSI GO''II?

Yesuusi “aadhhdida eratettai ba oosuwan tuma gididi” beettiyoogaa yootiis. (Maa. 11:19) Ba nagaraappe simmenna uri bohettanaadan aadhida eratettan pirddiyo pirdday lo'o ayfiyaa demissees. Ha heezubaa ane be'ooos:

Nagara oottida ura bohiyoogee Yihoowa sunttay bonchettanaadan oottees. Nuuni Yihoowa sunttan xeesettiyo gishshawu, nu eeshshaa asay a sunttaara gattiyoojee attennaba. (Isi. 43:10) Issi na'a eeshshay a yelidaageeti bonchettanaadan woy borettanaadan oottana danddayees; hegaadan, Yihoowa sunttan xeegettiya asay oottiyo lo'o-baa woy iitabaa gaasuwan asay a dosana woy ix-xana danddayees. Yihoowa sunttan xeegettiya asay i kessido kandduwaa maaraa kaallikko, Xoossaa geeshsha sunttay bonchettees. Ayhuda gidenna asay Yihoowa sunttaa Ayhudatuura gatti xeelliyo Hizqqeela wodiyan hanotay amarida ogiyan he-gaa mala.—Hiz. 36:19-23.

Nuuni shori baynabaa oottikko, Xoossaa geeshsha sunttay borettanaadan oottoos. Kiitetti-da PHeexiroosi Kiristtaaneta hagaadan giidi zo-riis: “Xoossau azazettite; intte kase erennan amot-tido amuwaa kaalloppite. SHin inttena xeesida Xoossai geeshsha gididoogaadan, inttekka intte ooso ubban geeshsha gidite. Xoossaa maxaafan, ‘Taani geeshsha gidiyoo gishshau, inttekka geesh-sha gidite’ geetettidi xaafettiis.” (1 PHe. 1:14-16) Eeshshay geeshsha woy suure gidiyoojee Xoossaa sunttaa bonchissees.

SHin, Yihoowa Markkatuppe issi uri nagara oottikko, a laggetinne a eriyaageeti hega akeeka-na danddayoosona. Bohiyoojee ha wodiyan Yihoowa asay Geeshsha Maxaafan de'ia geeshsha-tettaa maaraa kaalliyoojaa bessees. Issi wode, Swizerlande biittan issi imattay shiiquwawu Kawotettaa Addaraashaa biidi gubaa'iyaa yame gidanawu koyiyoojaa yootiis. A michiyaa shori

baynabaa oottido gishshawu, bohettaasu. “Iita oosuwaa co''u giidi xeellenna” dirijjiyaa yame gidanawu koyiyoojaa i yootiis.

Bohiyoogee geeshsha gidida Kiristtaane gubaa'iyaa naagees. Kiitettida PHawuloosi eriiddi nagara oottiyaageeta co''u giidi xeelliyoogee qohiyoojaa Qoronttoosa Kiristtaanetussi yootiis. I he asati gattiyoo qohuwaa munaqa ubbaa denttiya irshshuwan leemisiis. I “Guutta irshshoi munaqa ubbaa denttiyoogaa” yootiis. Yooti simmidi, “Iitabaa oottiya uraa intte gidoppe kessirggite” yaa-gidi eta zoriis.—1 Qor. 5:6, 11-13.

PHawuloosi yootido “iitabaa oottiya” bitanee yeelli baynabaa oottennan waayi agkana. Qasi gubaa'iyaa de'ia harati assi ubba exatiyoogaa doommidosona. (1 Qor. 5:1, 2) Hegaa mala gita nagara co''u giidi xeellikko, eti de'ioo kata-man oosettiya shori baynabaa kaallanawu hara Kiristtaaneti kajjeelana danddayoosona. Eriiddi oottiyo nagaraa co''u giidi xeelliyoogee Xoossay kessido maaraa xaasayidi xeellanaadan oottees. (Era. 8:11) Hegaa bollikka, nagaraappe simmenna nagaranchati haattan geemmi uttida shucha mala gidananne gubaa'iyaa de'ia haratu ammanuwaa shugissana danddayoosona.—Yih. 4, 12.

Bohiyoogee nagaraa oottida uri ba mooruwaa akeekanaadan maaddana danddayees. Ba aawaa sooppe aggi biidi miishshaa ohettaa mooridi, ba miishshaa laalida yelagaabaa Yesuusi issi wode yootiis. Miishshaa laalida na'ay ba aawaa sooppe harasan de'ioo de'oy hadanne azzanttiyaabaa gidiyoojaa akeekiis. Wurssettan na'ay ba mooruwaa hassayiis; yaatidi nagaraappe simmidi, bantta soo simmanawu koyiis. (Luq. 15:11-24) Na'ay ba mooruwaaappe simmin ufayttida siiqiya aawaa-baa Yesuusi qonccissidobay Yihoowa qofaa nuuni akeekanaadan maaddes. I, “Nagaranchchai ba nagaraa aggidi, paxa de'ana mala koyaisippe attin, nagaranchchaa haiquwan ufaittikke” yaagidi nuna minttettees.—Hiz. 33:11.

Hegaadan, Kiristtaane gubaa'iyaaappe woykko ayyaanaaban bantta so asaappe bohettidaageeti banttappe halidabaa akeekana danddayoosona. Eta nagaray kaalettiyo iitabaynne eti Yihoowaa-

ranne a asaara ufayssiya dabbotan de'ido wodiya hassayiyoogee mooruwaappe simmanaadan eta maaddana danddayees.

Lo'o ayfiya demmanawu siiqoyne minotettay koshshees. Mazamuraawee Daawiti, "Xillo asi tana aggenna siiquwan seeranaunne qaxxayanau danddayees" yaagiis. (Maz. 141:5) Issi issi biittan balggo kehi meeggiya gallasasi asay shachaa bollaara bees; hegaadan manddari biiddi daafurida uraabaa qoppa. Kinchuwan kehi gam'ido gishshawu, a bollay saases, qassi i kehi daafurees. I shachaa bollan xiskkikko hayqqana.

A laggee ashshiya ura naagiiddi, i xiskkenna mala a som'uwaa issi issitoo baqqees. Baqqiyoogee sakkikkonne a shemppuwaashshana danddayees. Hegaadan, xillo asi bana maaddana mala wolqqaama seeraa seerana koshshiyooгаа Daawiti akeekiis.

Bohiyoogee darotoo, seeri koshshiyu uri seeretanaadan oottees. Qommoora abaa yootido Huuliyaana na'ay tammaa gidiya layttappe guyyiyan ba de'uwaasuurissidi gubaa'iyaa simmiis; qassi ha'i cima gididi haggazees. I hagaadan giis: "Taani bohattidoogee ta de'oy kaalettiyooban genccanaadan oottiis. Taassi koshshiday heгаа mala seeraa."—Ibr. 12:7-11.

BOHETTIDAAGEETUSSI SIIQUWAA BESSIYO OGIYAA

Bohattiyoogee ayaanaaban kehi qohiyoogee tuma; shin issi uri hegaadan qohettidi attana koshshenna. Bohettida uri go'ettana mala nuuni ubbay oottiyoobi de'ees.

Cimati issi uri bohattanaadan pirddiyoogee azzanttiyaaba; shin eti Yihoowagaadan siiqanawu baaxetoosona. Eti he urawu i bohattidoogaa yootiyo wode, zaarettidi gubaa'iyawu simmanawu i ay oottana koshshiyaakko kehattetan qonccissidi odoosona. Cimati bohattidaageeti Yihoowakko



Ba mooruwaappe simmiya uri Yihoowakko simmanaadan maaddanawu baaxetoos

simmanawu waatana danddayiyaakko hassayisanawu, bantta de'uwan issi issiban laamettidaageeta eti issi issitoo oychana danddayoosona.*


So asay bohiyooгаага gayttida maaraa bonchiyoogan gubaa'iyanne iitabaa oottida ura siiqiyooгаа bessana danddayees. Huuliyaani, "I ha'ikka ta na'a, shin a de'uwaas hanotay nuuni issoy issuwaappe duuxxanaadan oottiis" yaagiis.

Gubaa'iyaa de'iyaa ubbay bohattida uraara gayttennaaninne haasayennan aggiyoogan siiquwaa bessana danddayees. (1 Qor. 5:11; 2 Yoh. 10, 11) Yaatiyoogan, eti Yihooway cimatu baggaara a seerido seeran maayettiyoogaa bessoosona. Hegaabollikka, bohattida ura soo asay kehippe azzaniyo gishshawunne eti banttana hara Kiristtaaneti lagidobadan qoppana koshshenna gishshawu, gubaa'iyaa de'iyaaageeti eta kaseegaappe aaruwan siiqananne maaddana danddayoosona.—Roo. 12: 13, 15.

Huuliyaani wurssettan hagaadan giis: "Bohiyoogee nuuni Yihoowa maaraa naagidi de'anaadan maaddiyo gishshawu, nuussi koshshiyaaba. Hegee azzanttiyaaba gidikkokka, guyyeppe lo'o ayfiya demissees. Taani ta na'ay oottiyo iitabaa co'u gaada xeelliyaakko, i mule simmenna."

* Hosppune 15, 1991, *Wochiyo Keelaa* (Inggilizettuwaas), sintaa 21-23 xeella.

Qanxxido Mittay Aacana Danddayii?



LIBAANOOSAN de'iya wolqqaama zigaara geeddarssiyo wode, wogaray keehi garamiyaaba gidennan aggana danddayees. SHin wogaraa mittay boniyan hayqqennaagee garamissiyaaba. Issi issi wogaray 1,000 laytta de'idabadan qofettes. Wogaraa mittaa anuwaa qanxxikkokka, xaphoy warccaccidi aaho sohuraa gakkiiyo gishshawu aacana danddayees. Xaphoy hayqqana xayikko, wogaray aacees.

Iyyoobi hayqqikkokka simmidi denddanaagaa ammanees. (Iyy. 14:13-15) Iyyoobi hayquwaappe Xoossay bana denttanaagaa ammaniyoogaa leemisuwan yootanawu go'ettido mittay wogaraa gidennan waayi aggana. Iyyoobi, "Mittaasikka hidootai de'ees; mittai qanxxikko aacees" yaagiis. Away suullido kosha wodiyan iray bukkiyo wode, melida wogaraa durumay xaphuwaappe mokiidi 'puutiyaadan ooratta licuwaa kessidi' aacees.—Iyy. 14:7-9.

Ataakiltiyaa oottiya uri qanxxido wogaraa mittay aaciyo wode be'anawu amotiyooqaadan, Xoossaa Yihooway hayqqida ba ashkkaratanne hara daro asata hayquwaappe denttanawu amottes. (Maa. 22:31, 32; Yoh. 5:28, 29; Oos. 24:15) Hayqqida asay dendiyo wode mokkiyoogeenne eti zaarettidi ufayttiiddi de'iyooqaa be'iyooqee keehi ufayssees!



Ha maxeetiyaanne hara xuufeta www.jw.org/wal sayttiyaappe naxan duuqqana danddayaasa



Ooratta Alamiyaa Birshshettaakka Internneetiyaa hara qaalan nabbaba

www.jw.org/wal xeella woy kooddiyaa iskaane ootta



w15.04/15-WL
141216